


226512  
4432.066  
=11




Kodak Color Control Patches



蘇州府志卷第二十九

津梁一

徒杠輿梁之制為王政之大端孟子時已鄭重言之為  
澤國支流曲港所在皆是非橋無以利涉故津梁有必志  
焉



府城內橋

天燈橋 在府學東南

臥龍橋 在府學龍門南

飲馬橋 在衛治東宋淳祐六年知府魏岸建

樂橋 吳赤鳥二年建元至正六年李道寧重修

魚行橋 不紹興四年重建

黃土塔橋 有黃土曲故名

禪興寺西橋 即周太保橋宋慶曆三年建

禪興寺後橋

張馬步橋

祥符寺橋 宋嘉祐四年建

章家橋 以上入橋俱在臥龍街

東石塘橋 在報恩寺東宋咸淳五年建有石刻字本朝嘉慶二十三年重建

永安橋 今名香花橋在報恩寺前本朝乾隆二十五年修

以上在吳長二縣合治護龍街

平橋 在舊子城前元大德間建

永定橋 今名西小橋在平橋東

義役倉橋 俗名倉橋在長洲縣治西旁有落星石

福民橋 在長洲縣治西

木杏橋 在五龍堂巷南本朝嘉慶十六年重修

烏鵲橋 在長洲縣治東古有烏鵲館故名唐白居易詩烏鵲橋紅帶夕陽謂此

帶城橋 在烏鵲橋東宋嘉泰元年重建盧志橋迤邐近本府南城故名今訛為戴城

甫橋 在濂溪坊西

馬津橋 在甫橋西

篠橋 俗名竹篠橋在馬津橋西

草橋在條橋西

胡書記橋在竹堂寺前 本朝嘉慶五年重修

金鼓橋自平橋至此 在東南隅

兵馬使橋在錢都衙橋北

曹胡徐橋在苑橋北

花橋在曹胡徐橋西北 唐白居易詩揚州驛裏夢蘇州

白塔子橋在花橋北 舊名東章家橋 本朝嘉慶二十年重修

任蔣橋在善耕橋北 宋嘉定四年建 本朝乾隆三十七年重修

臨頓橋在任蔣橋北 臨頓吳時館名吳地記吳王征夷嘗頓

年重修

定跨橋俗名跨塘橋 吳地記吳王闔閭造 本朝嘉慶二十三年重修

廣化寺橋在舊縣治西

四通橋在廣化寺橋西 本朝乾隆二十年重修

金獅子橋在市西

中路橋在天妃宮前 元大德元年建

廟堂橋在資福橋東

迎春橋俗名周通橋 在華陽橋西 本朝嘉慶十九年重修

做傘橋在迎春坊東 自兵馬使橋至此並在東北隅

以上長元二縣合治

西館橋在府治東 舊吳宮西姑蘇志 夫差之離宮有館娃坊

織里橋 在府治西盧志本吳王織里故名圖經續記

福民橋 在府治前明宣德間知府况鍾建嘉靖元年修

石巖橋 在織里橋西吳郡志唐刺史白居易建名白頭橋有石刻三字宋天聖中知州孫冕修人呼孫老橋元總

管造童重建改名石巖其自號也

明澤橋 在西河上宋皇祐五年建盧志以路通盤閫為戍卒經由之地故俗稱過軍橋景定五年重建劉震孫題

名立石橋上今名歌薰橋

昇平橋 在縣學西宋皇祐五年建

渡子橋 在昇平橋東南側

剪金橋 在明澤橋東轉北

成家橋 在剪金橋北跨成家浜

木柴橋 在剪金橋東

積善橋 俗名小粉橋在成家橋東

青雲橋 在縣學東舊對文廟名青龍明宏治間知縣鄭璠移對學門改今名萬曆三十四年知縣曾汝召以形

勢不稱再移廟門東偏今名狀元橋

太平橋 在太平坊宋皇祐五年建

西竺寺橋 在大石頭巷西即馬禪寺橋

憩橋 吳地記吳軍憩歇於此因名今廢

薦行橋 在穀市橋東側

市曹橋 在樂橋西周康王廟南

草鞋橋 在樂橋南西側

獻花橋 在草鞋橋南

望婆橋 在獻花橋南

蛾眉橋 在市曹橋南

芮家橋 在蛾眉橋西

芮橋 在太平橋東穀市橋西側

彈子橋 在芮橋西

白礮橋 在穀市橋南

郭家橋

院子橋 二橋並在花街巷內跨浜

程姬橋 在大石頭巷馬禪寺前或作程基

樓西橋 在程姬橋南

府倉後橋 在樓西橋南今蘇州衛後

果子行橋 在西竺寺橋側

杉板橋 在金獅巷西本朝順治三年造

呂公橋 在杉板橋南或作李本朝順治二年造

銀錠橋 在杉板橋南側

查家橋 在呂公橋南

杉瀆橋 在待其巷口今名三多橋明嘉靖元年造

采蓮涇橋 在呂公橋西南跨采蓮涇地名采蓮里明嘉靖元年造

北張師橋 在杉瀆橋側

先生橋 在北張師橋南

南張師橋 在先生橋南

葛家橋 在南張師橋南元至正三年建

來遠橋 在胥門內舊姑蘇驛在此宋紹興開王喚奏建專待屬國信使故名又名驛橋

胡家橋 俗名線香橋在來遠橋側

倉橋 在和豐倉內跨倉河

新橋 在和豐倉南本朝乾隆十二年修

梅家橋 舊名梅橋在新橋南宋梅摯寓此本朝嘉慶十四年修

奚公橋

奚婆橋 二橋並在瑞光寺東俗名琵琶橋本朝乾隆十四年修

開元寺橋 一在寺東一在寺後元延祐三年建本朝康熙十年重建

廟橋 在盤門內伍大夫廟南又名盤門橋

程橋 近盤門本朝嘉慶十四年修

皋橋 在閭門內漢皋伯通居其側梁鴻所寓也居民架木作屋延燬明崇禎十一年解元楊廷樞倡募重建本朝嘉慶十五年修

嘉慶十五年修

至德廟橋 在至德廟前宋乾道初知府沈度建明嘉靖四十年巡按御史陳瑞重建本朝嘉慶十五年修

明皇甫汭記畧吳祀泰伯自漢永興始太守麋豹建廟於閭門外其徙於內則自錢武肅始廟坊因橋云迄我大明

度領郡乃建橋表坊廟曰至德橋因廟坊因橋云迄我大明

歷年滋多橋漸崩圯監察御史陳公瑞按吳檄所司捐贖金

盡易而更之基雖因舊無改而制則視昔有加坊祠將以次

修舉焉郡守而下請勒豐碑以文辭見屬余按祭法有五若

公軫憂焉故新是橋者將新是民耳俗猶梁也克讓則置諸  
安好爭則置諸危民猶水也有德則易以濟無德則易以溺  
由是往來茲橋者足將進而惕仰首坊下者潛焉而嗟有窮  
未遑謁其祠而赧然趨者矣是秉彝之銘銘曰至德造吳洪惟泰  
激發之機入深而感速也立著之銘銘曰至德造吳洪惟泰  
伯宣父有言禮讓為國懷風永歎禪薦靡忒中葉道衰長  
作辟吾君之子鄙王與侯爵服非玩繫潦是羞仲揚其波季  
濬其流端委於越比隆岐周肅肅柱下持節來巡六條咸察  
百墜俱新納民於軌反俗以醇歸報我后洽和神人烈士狗  
名太上不朽聲聞於前光垂於後昭德塞違功實云茂竦茲  
梁文與石並久

張廣橋 在臬橋側 本朝 嘉慶十五年重修

柳毅橋 在至德廟橋東張廣橋西姑蘇志毅 或嘗居此 本朝嘉慶十五年重修

鄭使橋 在吳趨坊宋天聖中節度使鄭戩 卒官歸樞於吳所居有橋故名之

西蔣家橋 在鄭使橋南

徐胡橋 在西蔣家橋南

通安橋 在鄭使橋巷內

梵門橋 在徐胡橋南

惠政橋 盧志在西城裏之陽頗為壯偉夏駕湖正在其南後  
為蜀人王桀梧州所得疑建炎兵火後為熱家所有  
故不通人往還德祐之亂  
居於浮圖毀於甲午歲

西成橋 在縣治西明宏治八年知縣鄺璠  
建文林記 本朝嘉慶十七年修

黃牛坊橋 在西成橋北宋皇祐五  
年重建今名黃鸝坊橋

龍興寺西橋 在西成橋側  
今訛興隆橋

華家橋 在黃牛坊橋側

壽聖橋 在華家橋南

小蓮湖橋

在壽聖橋南

休休庵橋

在小蓮湖橋西

劉家橋

在縣學西側

虎蹲橋

在楊家洪一名通濟

徐家橋

在虎蹲橋南

錢駙馬橋

在徐家橋南五代楊行密女歸錢元璋故名

楊家橋

在錢駙馬橋南

華嚴寺橋

在虎蹲橋東

朱明寺橋

舊名般若在中街路

仰家橋

在朱明寺橋北

三太尉橋

在朱明寺橋南吳越時廣陵王第三子治園第於此故名

鳳凰橋

在仰家橋西以鳳凰鄉得名

席家橋

在東百花巷口

陸侍郎橋

在三太尉橋南續志郡人陸慶陳天嘉中召為散騎侍郎不就居此故名

治平橋

在縣治前明宏治間知縣鄭璠建

慈悲橋

在縣治東陸侍郎橋南

攸往橋

在治平橋南明宏治間知縣鄭璠建

女冠子院橋

在慈悲橋南今名女冠子橋

吳縣東橋

在流化坊吳縣舊治

吳縣西橋

宋宣和元年建本朝康熙三十年重修

小市橋

在吳縣西橋南  
朝嘉慶十四年重修  
本

丁家橋

在吳縣西橋東南  
宋嘉定六年建

濟川橋

在嘉餘坊巷內

小平橋

在慶元坊今申文定公祠前

絲行橋

在小平橋南  
今訛為私行

曹使橋

在單家橋北

孩兒橋

鴨舍橋

鶯闌橋

利市橋

在西市橋巷口

永定寺後橋

在小市橋側

鞞鞋橋

在小平橋東

尙書橋

在利市橋北

琵琶橋

在鞞鞋橋南

楊舍橋

在琵琶橋南

蒲老橋

在蒲老巷內

高家橋

在吳縣西橋側

烏盆橋

在舊鎮撫司東北

洞橋

在烏盆橋北

鄔家橋

在洞橋北

雍熙寺東西二橋 在周武狀元坊巷口

廣書橋 在雍熙寺西橋側 本朝康熙十四年重修

穀市橋 在鐵屏巷口 本朝乾隆五十八年重修

市鶴橋 舊名市曹橋古時刑人於此見顧氏筆記

芝草營橋 在文正書院東

普濟橋 在文正書院西 本朝乾隆十八年重修

六通橋 在雙菱巷口

方廣橋 在馬大祿巷口

航船橋 在方廣橋側 即行善橋

艾家橋 在盍簪坊巷西

盧提刑橋 即停雲橋在德慶坊巷宋盧革任廣南提刑子秉為發運使奉親居吳郡表德慶坊故又有德慶橋

明待詔文徵明居是里有館曰停雲人慕其高風遂名停雲

德慶橋 在航船橋北 本朝康熙五十年郡人職方司員外郎章豫重建彭定求記道光元年重修

崇利橋 在安民橋北與上二橋連俗稱三條橋

安民橋 在石馬滙

過軍橋 一在崇真宮東名南過軍橋 一在崇真宮後名北過軍橋

崇真宮橋 在崇真宮前 本朝嘉慶二十四年重修

王兆辰重修崇真宮橋記按蘇州府志崇真宮宋政和七年郡人黃悒微捨宅建賜名崇真聖壽宮宣和中改神霄宮建

炎中改崇真廣福宮有藏廟宸翰二碑及允中堂額明洪武初廢并元妙觀正德五年大德法師馬尚賢請於郡守況公

通獲重建成化中給帖世守焉山門外舊有石梁柱題嘉靖乙丑重建知舊志所傳石闌刻獅獨精者蓋久經駁泐矣歷

年久遠四水街及南塊官路皆侵蓋屋舍湫隘壅塞不便行  
 設莊嚴棟宇式廓觀石梁之就地矢志募建歷有年數間商  
 里中耆老咸謂橋址侵佔日久清釐匪易費且不貲盍緩之  
 以俟能者鳳梧志不隳禱於神筵占得重逢寅卯之句昨歲  
 戊寅冬會有同志議所以興建者兆辰樂為贊成爰偕同里  
 宋鎮具牒郡縣以已卯二月興工邑侯南臺朱公親詣履勘  
 委曲勸諭由是橋址之侵佔者咸願減直撤除復四水街之  
 舊規費益鉅勸募之金且盡鳳梧復傾其橐中金以克底於  
 成橋南有皆井二疏浚及泉里人利賴焉古語云有志者事  
 竟成況其為濟人利物之事而神靈有不陰相之者乎橋之  
 新成也為閏四月十四日觀者肩摩踵接日亭午余方坐山  
 門內忽聞聲如雷震急趨視則橋面不剝然斷其西偏之一  
 石闌仆闌柱獨移真兩旁立如植人無傷者路人皆噴噴稱  
 異驚方定工人相與語曰鄉者有鬚道人面垢而頰衣青布  
 敝袍裹衷橋上已而憑西邊石闌從眾中語曰石性烈不加  
 託木石且斷聞者咸怪之有頃徑面南走橋上人似蠶擁尾  
 道人去以故石斷時聞無一人爰亟命工購石補其闕橋面  
 條石凡七咸加托木焉從神告也吳中舊俗以四月十四日  
 為呂僊誕辰福濟觀在崇真宮之西歲著靈異不可一二數

邇年來仙蹤闐寂矣嘗讀蘇文忠公詩載回先生過湖州沈  
 氏飲醉以石榭皮書其家東老庵壁其事信而有徵迺知仙  
 家隨處濟度心願如海其蹤蹟常在世間人自汨沒於塵壒  
 中膠膠擾擾交臂失之者不少矣鳳梧學道有得存心利濟  
 一秉至誠用能酬十數年未成之願而默邀神貺受命如響  
 俾得思患豫防以垂鞏固之業天人相與之際豈其微哉余  
 故記建橋始末而并詳誌其軼事俾人知事苟合於義但當  
 勇猛精進必有陰相之者慎毋畏難自沮也是役也庀材鳩  
 工始終經理其事者管佐昌倪茂昌王永齡管法劉學遠張  
 培穀住持道士葉鳳梧監院周世學鳳梧之徒何志義徒孫  
 朱麟照皆與事有勞實能  
 贊襄鳳梧以成斯舉者  
 紅橋 在福濟觀東 本  
 朝道光二年重修  
 都亭橋 在承天寺西 圖經續記故傳吳王壽夢嘗於  
 此作都亭以招賢士 本朝嘉慶六年重修

承天寺前橋

承天寺東橋

又名屈駕橋姑蘇志相傳吳  
 王屈駕於此今又名關家橋

西石塘橋 在報恩寺西

單家橋 在塘橋西

永倉橋 在北過軍橋西

日暉橋 在都亭橋北

桃花橋 在永倉橋西 本朝嘉慶十七年修

隆興橋 在桃花橋北 宋隆興元年建

寶成橋 在桃花橋西 本朝嘉慶七年重修

延慶橋 在舊濟溪倉東

西倉橋 在舊濟溪倉西

尚義橋 在舊濟溪倉北 本朝乾隆五十二年修

以上吳縣治

乘魚橋 在舊子城西北 圖經續記橋故傳為琴高乘鯉升仙之地 據劉向仙傳云琴高趙人嘗入涿水中取龍子

與弟子期期日皆齋潔待於祠 苟果乘赤鯉來出坐祠中 雷一月復入水去不云在吳也 列仙傳有英子者亦乘赤鯉升

天吳中門戶皆作神魚 遂立英祠 未詳孰是 宋至和元年僧達本重建

竹隔橋 在乘魚橋側

金母橋 在天王寺西 本朝康熙六年重修

夏侯橋 在衛治東北 盧志相傳唐夏侯司空所作 或云居此

宋潘夢圻記畧郡治稍西 橋曰夏侯 以地有夏侯廟得名 締創於皇祐王辰 重修於紹興 辛未刻於壁 記於志 可考 僅此

他無聞焉 寶慶初元 邦人相率出力 改作使守嘉其志 悉捐金以助 遠近翕爾 而應以仲秋 撤而新之 明年七月 工以訖

告大容九軌 高納巨舶 不峻而隆 不削而垂 遠而望之 巍巍乎其崇 迤而即之 坦坦然 其夷厥材 孔良厥砌 孔堅足以閱

干禩而  
不朽矣

帝師橋 俗名帝師連橋在義役  
倉橋東宋咸淳間建

燕家橋 在燕家洪有燕  
國夫人廟故名

施家橋 在府學  
龍門東

大雲橋 在施家  
橋東

太平橋 在大雲  
橋西側

南星橋 在大雲  
橋東

俞家橋 在燕家  
橋東南

尤橋 在草  
橋邊

閻橋 在宮巷東元延  
祐二年重建

蔣家橋 在竹堂寺西  
本朝嘉慶二年重修

香花橋 在竹堂寺前  
明萬曆八年建

賢至橋 在濠股上  
宋熙寧四年建

顧家橋 在臨頓里吳地  
記漢顧悌仕吳為虎頭將軍父亡五  
日絕漿而死郡人感之造橋宋慶元二年重建明嘉

靖間張  
冲再建

大郎橋 在顧家橋北  
宋慶歷二年建本朝乾隆三十九年重建

青龍橋 在大郎橋北  
明嘉靖間推官張湧建

錢都衙橋 在青龍橋東  
北吳赤烏年建明隆慶四  
本朝道光二年重建

醋坊橋 在青龍橋北  
本朝乾隆元年重建

平化橋 在醋坊  
橋北

顧周橋 在醋坊橋西北

徐貴子橋 在醋坊橋北 本朝道光元年重修

仁壽橋 在碎金巷東

宮橋 在圓妙觀前 舊為紫極宮故名

永福橋 在宮橋南

瓶場橋 在永福橋南

紅爐子橋 在富仁坊巷內

李師堂橋

天心橋 在舊織染局前 宋鄭起潛所居

北倉橋 在北察院東

金師堂橋

鶴舞橋 在金獅子橋北 吳地記夫 差葬女鶴舞市中故名

靈鷲寺橋 在鶴舞橋北

祥符寺東橋

迪勝橋

馬黃橋

管家橋

院子橋

跨塘橋 在臨頓橋西側 本朝嘉慶二十三年重建

蘇軍橋 在眾善橋東側 本朝嘉慶十九年重建

程橋一近婁門  
一近齊門

以上長洲縣治

南倉橋在永定橋東  
朝道光二年重修

清道橋今名東小橋  
在南倉橋東

船舫橋在帶城橋  
西南今廢

錦繡橋在帶城  
橋西北

綠水倉橋在帶城橋東側  
今名樂輸倉橋

楊矮子橋在木杏橋東  
嘉慶二十四年重建

西長橋俗名西  
燒香橋

東長橋俗名東燒香橋  
在二並左

善教橋俗名新造橋  
在帶城橋東舊積慶寺前

春和橋在新造橋東  
元知府蔡國熙重建改今名

望門橋在春和橋北  
乾隆五十四年重修

清安橋俗名紅橋  
在望門橋北側

庵橋俗名螺螄橋  
在清安橋西北

望信橋在葉家  
街東

迎封橋在望信橋西側  
朝嘉慶十一年重修

蟾宮橋在望信  
橋北側

折桂橋在蟾宮橋東  
紹興二十七年建

百獅子橋在望信  
橋西北

黃賣子橋 在百獅子橋西北

壽星橋 在百獅子橋北

佐家橋 在壽星橋東側

吳王橋 在佐家橋北後周廣順三年建

仙境橋 在吳王橋北

胭脂橋 在仙境橋西側 本朝嘉慶十三年重建

湯家橋 在吳王橋東

張公橋 在湯家橋東

官太尉橋 在仙境橋東 本朝康熙三十五年重建

吳承議橋 在官太尉橋東側

泰明橋 在東禪寺西

顧亭橋 在東營門口 宋端平二年建

興隆橋 在新學東南側

盡市橋 今名興市橋 在苑橋南側

白蜆橋 在盡市橋西 本朝嘉慶十一年重建

洞橋 在甫橋西側

多貴橋 在十郎巷東

程橋 在門近葑

縣橋 在徐貴子橋北 舊長洲縣治東 又名縣東橋

善耕橋 在白塔子橋北 本朝嘉慶二十年重建

可過橋

在舊長洲縣治前盧志初橋低不通舟楫諺云長洲  
縣前難過宋淳祐中改作取昌黎詩語名之本朝

乾隆四十四年重建

北仙橋

俗名肚帶橋在齊門內

新街橋

俗名新橋在北仙橋南本  
朝乾隆三十二年重修

吳郎橋

在新橋東南

天宮寺橋

一在寺南一在寺北

報恩橋

在大儒坊巷

斜路橋

百石橋

在石皮街內

苑橋

在新學西盧志故傳闔閭有苑園在  
其旁本朝康熙四十一年重修

師婆橋

在苑橋北

資福橋

在師婆橋北

雪糕橋

在資福橋北蕭家巷東口  
本朝乾隆十八年重建

張家橋

在雪糕橋東側

積慶橋

俗名吉慶橋在雪糕橋北

熙寧橋

在積慶橋東側

眾善橋

俗名青石橋在積慶橋北

羅家橋

在蘇軍橋北

眾安橋

在眾善橋北

新橋

在眾安橋東側

通利橋 在新橋北 本朝 嘉慶十九年重建

朱馬交橋 在通利橋東側 本朝 康熙二十三年重建

胡廂使橋 在通利橋北 本朝 乾隆九年重建

唐家橋 在胡廂使橋東側 本朝 乾隆九年重建

打急路橋 今名保吉利橋 在胡廂使橋北 本朝 嘉慶九年修

魏家橋 在打急路橋東側 本朝 雍正二年重建

慶厯橋 在打急路橋北 本朝

富孫橋 在慶厯橋東側 本朝 乾隆二十四年重建

奚家橋 在慶厯橋東側 本朝

通濟橋 俗名新造橋 在奚家橋北 本朝 萬厯間建

華陽橋 在通濟橋北

百口橋 在華陽橋東北 圖經續記故傳東漢顧訓五世同居 家聚百口衣食均等尊卑有序因其所居以名橋吳

郡志訓歲朝會聚子孫悉坐依次行酒 三歲以下並自知位次故又名試飲橋

張香橋 在做傘橋東南 本朝 康熙四十五年重建

徐鯉魚橋 在張香橋西南

北倉橋 在徐鯉魚橋南 本朝 道光二年重建

東周太保橋 在豫順倉西 本朝 嘉慶三年重建

北開明橋 在萬慶倉西南

南開明橋 在寶成倉南 明萬厯十六年里人龔 勤重建 本朝 乾隆四十四年重修

通濟橋 在青邱倉西 本朝 嘉慶二年重建

東道橋 在通濟橋西

東虹橋 在東道橋南 本朝嘉慶十九年重建

玉帶橋 俗名水門橋 在新學東

以上元和縣治

府城外橋

探橋 在北洞子門明洪武間築月城建本朝嘉慶二十年修

虹橋 卽閭門鈞橋初架木為之元泰定二年郡人鄧文貴捐貲易石明洪武初改石塊木梁成化十年知府邱霽葺

更名永濟正德七年燬吳縣知縣胡文靜重建萬曆十八年燬知府石崑玉重建崇禎十一年燬巡撫張國維重建本

朝順治二年燬巡撫土國寶重建十一年巡撫周國佐再建康熙三年巡撫韓世琦再建九年圯吳縣知縣韓敬所重建

十年巡撫馬祐修十四年重建五十二年燬重建嘉慶二十二年重修

元虞集記畧虹橋在閭門西跨官河通驛道為咽喉要處水至橋下匯為回淵折而東行勢用剽悍橋舊植以木而加發歲久腐撓乃今夏大霖雨遂壞水陸並阻民吏憂駭縣長吏計會役大懼不卽成郡人鄧文貴詣官自言架木非久計請捐已資以成之遂以八月乙丑召工畫圖盡撤其舊而新之絕水下石欵密鑿固纍起拱合理緻無間下通園空涵水象月引重過之堅逾實地泰定元年十月成凡用中統鈔十五萬貫云夫鄭商犒牛敵謀遮阻卜式輸財漢用不匱以一民而專有司之美不可無書也故為備載不辭黃潛記畧按郡志橋之載於圖籍者三百五十九而為虹橋者三其一在城西若干步卽此橋也去年夏大雨水暴溢橋居兩水之交莫能與之抗一夕盡圯其地適控通衢徵令賜予布政于方國奉貢輸賦為行者病謀所以復其故而官帑不可輒發又重以其役厲民未知費所出郡民鄧文貴請分家資之半更為石橋以利永久既又以為此有司者之事非細人所得干也乃飭財用庀工徒以聽要束焉遂以八月乙丑始事閱八甲子而告訖工橋之修四百尺而其高十分修之一五分而殺其二乃與岸等脊之廣得高之半而趾之廣加其什五上設扶闌為之周隄其下為門如半月以醜漕河

而隄其兩垂以度輓者所用錢以緡計者十二萬五千有奇  
役以庸計者二萬四千有奇今總管郭公鵬翼既率僚屬鷓  
酒橋上以落其成且謂文貴編戶民非有民田稍食貨殖奇  
贏若他大姓比川梁達路官實領之而文貴顧能輟其飲食  
之餘以紓有司之急務不宣無以示勸

相乃伐石俾潛執筆書其凡而記焉

明牛若麟記畧吳為蘇附郭邑金閶孔道正其轄境虹橋跨  
濠以通行旅錯趾駢肩無間昏旦南來宣歙雲茗之水滙震

澤以趨海若勢如建瓴濠逼城闈而臨市肆濶不可測漕艘  
商載絲此水勢湍激惟倚茲橋砥捍可施牽輓之力郡紳侍

御李公模方倡義解橐去腐易新倏復罹鬱攸之厄面材梗  
楠瘠如藿其文鎖裂如蒲蘋足在崩戰澆淠汨瀾城內外從

橋而達者日不下億萬眾悉呼艇爭渡負販囊夫則望洋而  
歎何以得食若麟惻然亟謀鼎新方仰屋無策會撫中丞張

公禦寇東還日擊咨嗟召若麟前曰修廢舉墜惟令之責今  
何時乎早魃肆虐螟蝗蔽野縣令且體朝廷德意省耕省助

之不暇而徒枉之飭予其任之即日命幕帥王君宏經採石  
計峴吳君志葵市木天寧其董厥成經始於季夏落成於仲

秋僅五浹旬屹然覩長虹焉兩帥稟承公令潔身節冗役夫  
二千餘工糜金六百一十有奇橋之崇廣視舊可並舉四輿

並乘五馬並行偶語五十肩而陞砥提棧務力倍蓰堅固衛  
以重欄可恣憑眺于是人之所履物之所載上下共由而莫  
之阻滯謳歌聲徹遐邇又鑿往轍禁市僧勿得

編蓬其旁以避祝融之禍其為計誠深遠矣

渡僧橋在閶門西跨運河孫吳時民為舟以濟商有僧呼渡  
神力成此橋遂募建不日而成以渡僧名宋咸淳十年再建

明宏治間修崇禎九年郡人御史李模屬僧如淨重募建模  
記本朝嘉慶

二十二年重修

上津橋在渡僧橋西跨運河

楓橋在閶門西七里豹隱紀談云舊作封橋因張繼詩相承  
朝乾隆三年修

江村橋在楓橋西南本朝康熙四十  
五年里人程文煥倡募重建

西津橋在江村橋西

上龍塘橋 在通安橋西

下龍塘橋 在貢湖口

以上吳長二縣合治

通津橋 俗名下津橋在上津橋西跨運河明成化十年建 本朝康熙四十年修道光二年重修

馬舖橋 在白蓮橋西

來鳳橋 在通津橋西跨運河明萬曆三十六年創基未就 本朝康熙二年僧越凡慧光同募建

急水橋 在鳳凰橋西

以上吳元二縣合治

通貴橋 在山塘橋西明宏治初建崇禎十三年重修 本朝乾隆五十三年重修

新橋 在通貴橋西明成化二十年修

望山橋 舊名便山橋在虎邱山前

李王廟橋

錢萬二橋 在李王廟橋東介閭齊二門閒姑蘇志作錢賣女橋俗名錢萬里橋宋末建明正統間知府況鍾再

建嘉靖十一年劉茹芑重建周天球記

引善橋

孫板橋

謝家橋

十房莊橋

普濟橋 在虎邱 本朝康熙四十九年建堂因以名乾隆五十八年修

楊庵橋

資福橋

青龍橋

以上長元二縣合治

魚行橋

今名板橋

洞涇橋

在聞德橋西

白蓮橋

在洞涇橋西

曾通橋

明正統閒參政陸友諒建今名陸公橋

東虹橋

西虹橋

奚涇橋

在西虹橋東

草庵橋

在雁蕩村有中峯草庵故名

陳庵橋

安人橋

在草庵橋東

康履橋

在南濠新開河俗名新開河橋舊名普濟明宏治閒知縣鄭璠修易今名楊循吉記本朝嘉慶三年修

普安橋

在虹橋西本朝嘉慶十九年重建

昌祿橋

壽安橋

永福橋

積善橋

本朝乾隆五十六年修

富民橋

俗名俞家橋本朝乾隆二十年修

圭涇橋 俗名居涇橋

通惠橋

彰盛橋

豐利橋

明楊循吉

濠而別注

流三邑至

橋興邑令

不知也決

繼太守汝

其地不一

一日者必

由是鼓檝

侯欲廣渠

贅三以材

十橋並在圭涇普安涇明宏治十四年

巡按御史袁繼知府曹鳳知縣鄺璠建

南曰圭涇北流三里至塗而止北曰普安涇南

中隔小溪莫之能貫焉宏治辛酉胥門浮

而得之嘆曰噫是固別津而人

濟乎乃請於巡按御史長沙袁公

慨然許可侯乃諭田者俾售之果獻

凡用役一干開土四十丈而南壅之決

又隨在疏剔其過地之侵官而屋

流波一望洋洋靡有阻過

字者定厥居方役之始作

納乃作十橋跨其上七以石

請書梗槩以為舟之行是有

小石

邛霽建

本朝順

五年重修

本朝乾隆五年建石塊架木三拱

在胥門外三渡本朝乾隆五年建石塊架木三拱

二美焉胥不能阻閭不能險是民志也予惟物鬱則思通然必遭而後濟功成則不朽然必協而後克觀之斯渠昔否今亨脈於大川其不有遭乎上下一心以建厥績其不謂協乎於是筆其詳以示後世與茲川永久

夏駕橋

日暉橋

萬年橋

嘉慶二十

五年重建

徐士林記

絡織往來

虞而舟人

前朝有巨

板橋毀且久民畏役重弗克舉或曰操渡者陰持之故謬為形家者言謂不利於士大夫以相煽動一不察而羣信之以沿以襲以至於今究其說則以峯山勢淨狎多煞氣幸水為之畫橋則煞直引入城為諸不祥噫亦惑矣夫

事非排衆特立不足以斷始非輯衆合志不足以昇艱非博謀廣議知人而能任不足以有功橋之役肇於前制府那公蘇圖郝公玉麟借前撫軍張公渠入告事始定時予方司藩政交贊其議未幾汪守德馨來郡首倡勸捐輸者接踵遂於夏四月朔二日鳩工乾隆五年仲冬朔長至前之二日龍口合又二日而行人通橋乃成萬眾歡騰請名曰萬年橋今布政使安君寧核實其贖允其請橋長三十二丈五尺有奇廣二丈四尺高三丈四尺有四寸計費一萬六百餘金役鉅而竣速其士民之好義而勇於集事有如此然則前此之不成爲畏重役而不舉亦可見矣汪守請予記予嘉其事之有成而樂爲之書也並

將以告後來云

接吳郡志盧志皆有胥門橋姑蘇志謂卽懷胥橋近志又以今日暉橋爲舊懷胥疑皆未足據俗傳故橋分宜柄國時吳中大吏撤以婚之考嵩所作分宜萬年橋記述採石之役山伐舟運積以歲月果移胥之橋何待累年且楊循吉圭普二涇通水建橋記云宏治辛酉胥門浮橋興爾時嵩尙未有勢故舊當無恙何以興浮橋也意者亦如圖經續記之云其多塗則艱於守衛譏禁故橋之興廢不常歟

謝涇橋

萬祐橋

棗市橋

雙橋

墊橋

三遷橋

普福橋

彩雲橋

觀光橋

在大灣南北二橋相去僅數丈舊名官墳橋

近支

在天平山前

卽橫塘橋三拱上有亭顏曰橫塘古渡唐孟東野詩未隨洞庭酌且醉橫塘席卽此明萬歷間里人徐鳴

本朝康熙四十七年郡人章豫重建彭定求記

在普福橋西跨彩雲港明嘉靖間修國初南塊燬康熙二年僧誠寶募建

觀光橋

五福橋 在普福橋西 本朝康熙四年僧越凡募建

永壽橋 在五塢山前舊名感福橋俗名東跨塘橋明宏治十一年水利郎中傅潮重建

永安橋

永濟橋

永福橋 三橋並跨興福塘明宏治十一年傅潮重建浦應祥記

跨塘橋 俗名西跨塘橋明宏治六年傅潮重建嘉靖間修

興福橋 在木瀆東宋淳祐六年建明嘉靖初廢崇禎三年郡人吳鑒等募建更名崇禎橋馮翼記

嘉泰橋 俗名徐馬黃橋宋嘉泰中重建易今名

斜橋 宋皇祐四年建

西新橋 明萬曆間里人茅郊建 本朝康熙二十年洞庭東山吳序商重建改名永年

慶歷橋 宋慶歷三年建 嘉泰三年修

寧慶橋

白塔橋

吳灣橋 已上並在木瀆鎮

靈巖寺橋 在山麓

方家橋

蘆柿橋 縣志作篔

黃家橋

戴家橋 在富春道院南

長興橋 明崇禎十三年里人沈宏圻募修

延福橋 宋乾道四年修

張墅橋

塘灣橋 元至正間建

僊塘橋

善人橋

馬巷橋

大觀橋

阜里橋

官山橋

福隆橋 明永樂間建

安福橋 明成化初里人徐衢重建

福溪橋 徐衢重建

通安橋

銅院橋

虎山橋 在光福西接太湖宋嘉泰中重建元泰定中改為三洞名泰定橋明成化十一年重修萬厯閒申文定公

時行重建

本朝徐枋記畧凡遊鄧尉者必由虎山橋虎山固鄧尉諸山之始也其地四面皆山中滙二堰以受諸山之水迴環上下約二十餘里有石梁在亂山中雄跨二堰開層巒映帶波光極目如長虹天矯橫亘碧落予避世土室足不窺戶惟春秋一出展先文靖公之墓而獨以酷愛鄧尉山水之勝不得不破土室之戒一歲中嘗三四過之每至虎山橋輒徘徊不能去也

飛仙橋 在飛仙王廟東

同善橋 在陽抱山趾 本朝康熙九年里人曹涪先等倡建

萬安橋

呂浦橋 在呂山湖口

周山橋 在周山街

西塘橋 在東西塘上

香逕橋 近香山

香山橋 在香山街

道人橋 在香山橋東北

胥塘橋 在胥山

李橋 在胥山

慧慶橋

慶祥橋

駟馬橋

齊興橋 在橫金四橋並

擲船橋

永興橋

錢莊橋 在三錢莊並

如京橋 即盤門外虹橋 宋嘉泰四年知府張巖重建至開禧二年知府李大性畢工改今名有周虎書三大字刻

其下明正統閒巡撫侍郎周忱修宏治十一年水利郎中傅潮再修嘉靖閒知縣蘇祐宋儀望相繼修天啓六年圯郡人

凌漢狝重建崇禎十四年又圯知縣牛  
 若麟重修本朝順治二年燬重修  
 宋葉挺記畧平江古都會盤門運河環城尤號要津有橋如  
 虹車馬感躡歲久頽圯過者病焉參相張公巖文昌李公大  
 性來殿是邦命吳縣尉羅相經理之尉承命亟募道者徐妙  
 行率徒鳩工首發驛衛達於松江幾五十里其旁舊橋有三  
 繼踵營治悉用堅整至是橋也益加其工光闡故基易陶以  
 石夾岍雲繞巍闢翼飛洞門天成面勢山屹厥功告成聞者  
 驚嘆因相與言曰凡四方貢賦之所萃九夷八蠻朝聘會同之所歸  
 莫過於京師今駐蹕錢唐異時還都中原茲橋實居孔道遠  
 近所必經從者盡以如京名之衆曰蹕哉合橋與路積工五  
 萬為費三十五萬有奇始於嘉泰四年正月成  
 於開禧丙寅四月既望民既落之因並識其事  
 吳門橋在如京橋東有石刻三大字舊名新橋下有三洞最  
 至木賣者每過運河須舟以濟又當兩派交流之閒頗為湊  
 廣自昔未有為梁者宋元豐七年章帖為郡有石氏請出錢  
 造橋橫絕漫流往來便之紹定中重建改今名明正統閒知  
 府況鍾再建宏治十一年水利郎中傅潮修本朝順治三

年修雍正十三年重修

雲津橋在如京橋南俗呼汲水橋明洪武閒建本朝順治二年圯

朱涇橋

張公橋

五龍橋一名五法橋在盤門外五里五水合流湍急處宋淳熙閒提舉薛元鼎建明宏治十一年傅潮重建崇禎

六年圯十五年知縣牛若麟修倪長圻記本朝順治十八年諸生張我城里人沈某等重修

落星涇橋

王家橋

張老鴉橋

藏圓橋

隱橋

新郭橋

普興橋

七橋俱在新郭

何橋

越城橋

舊名越來溪橋元至正間重建明永樂間修成化間知縣文貴重建

湖之滙有石橋名越來溪橋又謂之越城橋蓋今之新郭即春秋時勾踐築城以伐吳之地城堞彷彿具存而橋與之尤近故名歲久漸圯知縣文侯貴首捐俸以率邑之願助者選者民徐衢等董其事經始於成化乙亥五月落成於明年六月崇廣視舊各加二尺旁增石闌下袤石址  
行春橋 在橫山東茶磨嶼下跨石湖上與越城橋近有石洞一十八范志云好事者或名為小長橋宋淳熙十五年知縣趙彥真修明成化間知縣文侯貴再修崇禎間郡人年司馬申用懋重修收增石闌為重級以便游人坐憩

宋范成大記畧太湖上應成池為東南水會石湖其派也吳臺越壘對立兩溪危風高浪襟帶平楚吾州勝地莫加焉石梁臥波空水映發所謂行春橋者又據其會胥門以西橫山以東往來憧憧如行圖畫開凡遊吳而不至石湖不登行春則與未始遊者無異歲久橋壞前知縣事陳益劉崇皆有意弗果作淳熙丁未諸王孫趙侯彥真至縣甫六旬下令治橋補覆石之缺易藉木之腐增為扶闌中四周而旁兩翼之歲十二月鳩工訖於明年四月保伍不知公徒不預邑人來觀歡然落成相與商畧他日將作亭其上以憇倦遊者尚庶幾見之

吞越橋

在石湖北宋建明宏治十一年傅潮修天啓開里畧又修本朝康熙十二年修

及涇橋

在石湖東北出鬻塘通新郭

南涇橋

在金墓涇上

懷范橋

在邵巷港

潘家橋

在陳灣

楞伽橋在治平寺前

顏橋在獅山西

饒稼橋在南周村跨越來溪明宏治十三年傅潮重建里人盧綱助成之莫震記

溪橋

管瀆橋二橋並在橫山麓明宏治十四年知縣鄭璠重建陳霽記

頭陀橋

後保橋

慈灣橋

鄭涇橋四橋在西洞庭山

具區風月橋一名渡水橋舊橫木以濟元至正間周富七郎始易以石明宏治九年里人吳天禴重建

明楊循吉記畧具區港界二峯之間西五里曰莫釐峯東二里曰武峯其南北貫於太湖流廣而且急隔越行旅為必由之要津故有石梁廢四十年矣里人慮其功鉅弗敢圖架木以濟高危稟稟每風雨晨夕提攜負荷而過者多恐怖兢業或仆而溺居武峯下者吳天禴病人之厄慨然思作之知縣鄭侯美其志白之知府史公簡遣吏獎勞天禴感勵益勉厥事盡棄舊石惡材別購礮村之良者醵焉遂以宏治丙辰九月告成凡長一十六丈高二丈九尺東西為石堤延袤各四十餘丈工部主事姚公文瀨方督水利亦懿而旌之

永寧橋在施家涇明崇禎初里人席本禎建

底定橋宋紹定開建

通源橋一名湖亭橋

施巷橋

綠野橋

廣濟橋

介福橋

廣利橋

師家橋

澗橋

聯璧橋 十二橋在東洞庭山

胥江渡 在胥門外

九里河渡 在胥口東南九里河南抵東洞庭武山址

洞庭渡 在胥莫二湖之閒

莫釐渡 在菱湖南關口

長沙渡 在胥湖北關口黃茅山外

鐵鈴關 楓橋汛設此長洲縣合轄

以上吳縣治

聞德橋 在石牌巷西 本朝乾隆二十三年重建

月盤橋 在楓橋西 本朝康熙五十年郡人章豫重建

射瀆橋 通陽山諸涇明萬歷九年重建

杜莊涇橋 去射瀆一里

百畝橋

南余橋

北余橋

錦帆涇橋

明萬曆丁巳陸僉重建

興賢橋

在泇墅分司南跨運河明萬曆三十六年建申時行記本朝康熙二十二年重建嘉慶二十二年修

崇福橋

在分司右

南新橋

在分司北跨運河即中津橋本朝康熙五十八年重修

普思橋

在南新橋西跨運河俗名北新橋明宏治九年建本朝乾隆四十二年重修

明吳寬記畧泇墅際水而居農賈雜處景泰間置權司於此舟楫停集居民益繁貿易往來以限於官河皆稱不便成化初雖嘗作橋以免濟渡而南北阻絕人跡折旋猶以為未便也里老相傳故有橋在周孝侯廟旁訪求之果得石刻題曰普思視其時宋慶元之年也乃圖重建戶部主事劉公煥分司於此合言以請從而獎勵之工部主事姚公文灝行水至亦從而勸相之言於知府史侯曰宜又言於巡撫都御史朱公亦曰宜於是更相告言出財以助擇於宏治九年興工是年某月告竣橋之修一十二丈其廣二丈三尺崇如廣而減二尺董其役者為倪俊云

竹青塘橋

在分司左本朝嘉慶五年重建

南馬橋

北馬橋

即華山橋本朝嘉慶三年重建

南勝橋

北勝橋

金涇橋

南陳店橋

北陳店橋

瓜涇橋

南青石橋

北青石橋

雙白橋

尤六馬橋

柿木涇橋王志作市

楊家橋北塊屬無錫自聞德橋至此

山塘橋本朝嘉慶二

虎西橋一名西郭橋俗訛西瓜橋明萬曆四十年邑人徐冲

廷獻記二橋並閘門

外山塘至射瀆界口

大寧橋即齊門外釣橋

普利橋俗稱井亭橋

朝天橋在朝天湖口故名亦名齊福橋舊以木為之明宣德中知府況鍾始易以石俗名南馬路橋

義成橋對馬路口俗名北馬路橋

油車橋

無量橋在無量寺前

青石橋

潘家橋

楊涇橋

廣惠橋

宋涇橋

南市橋

中市橋

北市橋

新造橋

南湖涇橋

北湖涇橋

樊莊橋 以上七橋並在陸墓南北

西蠡塘橋

東蠡塘橋 二橋並在蠡口

南薛涇橋

北薛涇橋

濟民塘橋

谷木橋

出水漚橋 北坵屬常熟縣自大寧橋至此俱齊門外官塘至常熟縣交界

通吳橋 舊名通波跨烏角溪本木橋宋至和二年始易以石嘉泰二年里人陶光大重建改今名有記

雙板橋

思家橋

楊木橋

尚書橋

西龍橋 在楓橋西一里本朝康熙五十七年里人程文煥創建

黃路橋 在慈聖寺西南

范蠡橋

姑蘇志世傳范蠡自此出婁江

百家橋

白頭公橋

談家橋

長塍涇橋

蠡湖橋

通安橋

在竹青塘

性通橋

何家橋

談道橋

支家橋

永樂橋

在通安橋西

望仙橋

在陽山前姑蘇志故專丁令威昇仙處

爪山橋

在爪山趾

許家橋

葉巷橋

張巷橋

象山橋

在象山趾

黃泥涇橋

萬安橋

在金墅市心

吳師涇橋

琴橋

薛市涇橋

上珠橋

下珠橋

金波橋

玉簫橋

白豸山橋 在白豸山趾

括雪橋

王莊橋

王家橋

戈莊橋

王御史橋

周莊橋 在北長蕩口 自通吳橋至此俱在閶門外村鎮

方橋

姜橋

榮善橋

周巷橋

邢涇橋

許涇橋

石獅涇橋

梨涇橋

永昌涇橋

永福橋

永祿橋

永壽橋

三橋並  
七年里人王之屏建  
本朝順治

安榮橋

五登橋

衣錦橋

三橋並王之屏修  
上七橋並在永昌村  
已

漳涇橋

眾安橋

金塊涇橋

南橋

在治  
長涇

車濱橋

官涇橋

自方橋至此俱  
在齊門外村鎮

通仙橋

濟民橋

二橋並  
在相城

通濟橋

在陽城湖新洋里  
堯峯僧道洵募里人  
本朝康熙中  
朱瑩卿建

逢仙橋

在婁門外相傳元  
吳國寶遇仙浴此

梅里涇橋

一名通濟橋在葑門外明宏  
治十年里人盧珪建吳寬記

陶家橋 在城西北三十里西昌鎮 本朝嘉慶二十五年崇  
真宮道士葉鳳梧倡修易木為石吳人張吉安為記

管家浜渡 在楓橋西北

許墅關 戶部分司設此連巨舟以濟行人詳見公署及權稅

以上長洲縣治

芙蓉橋

鳳凰橋 在馬鋪橋西

泰定橋 在新橋西側 俗名白馬橋

毛家橋 在泰定橋西

洞橋 在白公塘宋咸淳四年建明崇禎十一年修 本朝嘉慶十年重修

彩雲橋 在半塘寺前俗名半塘橋 宋政和元年重建

白公橋 明萬曆三十二年重建

白雲橋 在白公橋西

綠水橋 一名普福明萬曆二年建 本朝嘉慶三年修

斟酌橋 明萬曆三十三年里人張相秦重建

萬點橋 俗名范店橋明宏治十三年重建

元慶橋 在望山橋西舊名西山廟橋 本朝康熙九年邑人王廷台等助建改今名

躲賽橋 俗名躲債橋 在萬點橋西

永安橋 在虎邱南十房莊 本朝康熙間易木為石顧沂有記

顧沂虎邱永安橋碑記夫仁人君子之用心無在不行其樂善不必深觀於其大也即鄉曲里巷之間有能推本至誠利賴及物者君子必取而嘉予之又從而歎賞稱美之以風示於人凡以云勸也郡之西虎阜名勝地遊人肩摩踵接皆有

藉於橋梁近南十房莊向有南橋者架木為之歲久輒敗涉者往往墮水為厄里中善士某等夙行積善目擊心傷將鳩工庀材欲磬石而難其成因請於余倡募得貲若干縉乃撤木而石是新往來者永免蹈險更名曰永安蓋利賴及物之用始於土人而助成於眾也橋既竣工謁余請勒貞珉余思君子而在上則有斯世斯民之責固宜起凋敝而登郵隆君子而在野則有宏獎庶類之情又宜鼓舞而敦雅化余雖退就閒居而殷殷躋勉之思竊不能已且一橋甚微而里民樂善之誠邦人同善之實皆不可忘也乃作此以記之

許恒橋 在城西郭外 成親王詩蘇漿茗椀攜隨意閒向郊

芙蓉橋 至此俱在閩門外山塘至虎邱西

虹橋 即婁門外釣橋宋慶元閒建 本朝順治四年 本朝知縣李廷秀重建嘉慶二十五年修

永安橋 俗名裏跨塘橋明萬曆九年里人蔣二南重建 本朝康熙十九年圯二南曾孫進士德峻倡助重建

光元年修

官瀆橋 跨至和塘元至正二年建

普利橋 宋寶祐三年建

譚經橋

孝濟橋

永慶橋 俗名外跨塘橋 本朝康熙元年圯 十一年里人顧奕年重建石塊架木

和豐橋

長祐橋

上陸涇橋

西張涇橋

孝廉橋

韋涇橋

烏土涇橋

寶祐橋

船場橋

薛涇橋

鳳凰橋

東陸涇橋

東蕭涇橋

周涇橋

護門涇橋 在唯亭西

德壽橋

仁壽橋 即王店橋明成化元年里人歸以德王常等重建名德壽橋嘉靖七年歸樟王承寵重修改名在唯亭

西市

定勝橋 即季涇橋在唯亭市中

狀元涇橋 識云湖到唯亭出狀元故名明萬厯末里人王堯仁歸隆允陳證重修

司馬涇橋 在唯亭東

陸市橋

堵墓涇橋

界浦橋 東塊屬新陽縣自虹橋至此俱在婁門外官塘至新陽縣交界

安里橋 在葑門外明洪武初

明姜漸記畧蘇州府城之東南曰葑門其水陸要衝有橋曰安里自宋元歲久滋廢里人周元初謀於里父兄撤而新

之經始於甲午秋八月畢工於冬十一月欲求予文以為記而不果閱六年庚子復請嘗為之言俾刻之元初以為未

違大明建國之元年師臨於吳凡附城之輿梁悉為內兵所毀獨是橋賴今大丞相信國公駐師其前不敢廢壞及克城

之日師由是而進元初竊自幸其功之不泯也復來請曰吾始為是役將以濟夫病涉者而已又豈知造物者俾吾新之

無窮故具載之使來者有所考焉

徐公橋 建元至正十一年縣尹劉某重修

滅渡橋 在赤門灣盧志舊無橋以舟渡篙師市利橫索行旅

橋因名滅渡明正統

復成橋 近滅渡橋

燈草橋 本朝康熙五十七年郡人章豫重建

仙涇橋 在袁家浜金兵至蘇袁氏僕藏幼主不死故名 朱涇橋

寶帶橋 名去郡東南十五里唐刺史王仲舒捐帶助費創建故

郎周忱修本朝康熙九年大水衝圮十二年巡撫都御史馬祐布政使慕天顏知府審雲鵬重修

明陳循記畧蘇州府城之南半舍古運河之西有橋曰寶帶

運河自漢武帝時開以通閩越貢賦首尾亘震澤東壩百餘

里風濤衝激不利舟楫唐刺史王仲舒始作塘障之河以西

岸今東南之要道是已然湖之支流斷堤而入吳淞江以入

於海堤不可過此橋所為建仲舒嘗所束寶帶以助工費因

名元末修葺之功不繼橋遂圯沒戒有司架木以濟至今百有

餘歲正統七年巡撫侍郎周公忱戒有司漸次節省在官浮

-5 195 35 915" data-label="Text">

費以備工材之用十一年秋為橋長千二百尺洞其下可通

連石橋

舟楫者五十有二月而高其中之三以通巨艦冬十月落成

尹山橋 跨運河明天順六年知府林鶚重建錢溥記

長浜橋

張墓橋

瓜涇橋

夾浦橋 東塊屬吳江縣宋紹興初建石橋在鮎魚口下流水勢迅疾明宣德間風雨傾圮遂不能復巡撫侍郎周忱創造船十六艘以鐵繩駕為浮橋宏治開水利郎中傅潮又為增置嘉靖間重建石橋尋圮萬歷三十一年重建自

安里橋至此俱在葑門外官塘至吳江縣交界

蔣家橋 在徐公橋東北側

馬路橋 在徐公橋東

浮橋 在馬路橋南

華家橋 在蔣家橋東

西板橋

金家橋 在華家橋東

普德橋

東板橋

太保橋

普福橋 俗名小黃石橋

匠門塘橋 即星華橋一名千將門橋近千將墓

葑溪二堰橋 俗名黃石橋明成化七年里人張景建本朝順治初圯康熙八年僧惟初重募建十八年圯

金涇橋 即盧家橋明宏治間里人盧珪建在二十四都自蔣家橋至此俱在葑門外東塘至金涇堰界

樂陽橋在二十都

呼鯉涇橋在二十都

章墓涇橋在二十五都近章郇公墓

徐莊橋

金銀涇橋二橋並在徐莊

沈塾橋在七都

閔家橋在二十三都明正統二年建

五渰涇橋

利民橋在婁一圖宋嘉泰三年重建

眾安橋

太平橋二橋並在綦村自沈塾橋至此俱在婁門外村鎮

張林橋

壽安橋

和豐橋

馬公橋明崇禎二年里人許叔尹修

秀水橋明崇禎十三年建二橋並在角直鎮

南塘橋在陳墓鎮南

眾安橋

北新橋一名濟眾橋在陳墓鎮北二橋東坵並屬崑山縣

永福橋

永寧橋 二橋並在雲龍港 本朝順治末里人嚴昌嗣建

通德橋

大通橋 在王墓鎮

唐家橋

富安橋 在周莊鎮

濟涉橋

餘慶橋 二橋並在章練塘

楊枝涇橋 近瓦屑涇

永濟橋 俗名大橋在尹山東北 自張林橋至此俱在葑門外村鎮

陸市鋪渡 在唯亭東

以上元和縣治

蘇州府志卷第三十

津梁二

崑山新陽二縣城內橋

太平橋

明永樂八年邑人周勝二建

州東橋

元大德九年邑人吳用成修

平橋

在春和二坊西明永樂八年知縣芮翀建

酒坊橋

舊名致和橋又名夢感橋在日新坊西

陳老橋

在片玉坊俗名陳段橋明洪武三十六年邑人楊子盛修

富春橋

跨至和塘俗名高板橋明洪武三十年知縣梁端修

子介重修

望山橋 在富春橋南明永樂九年邑人陳永修本朝乾隆四十六年重建

萬壽橋 明永樂九年陳永修三橋在縣東北

以上二縣合治

安定橋 在縣治東北明洪武五年邑人徐肇鉉修本朝嘉慶五年里人重建

眾安橋 在縣治北柴巷內跨裏城濠俗名天心橋明永樂間邑人楊子華建本朝嘉慶二十四年修

張家橋 在玉鎮坊內明洪武六年邑人趙諸孫重建本朝乾隆四十四年重修

秦迪橋 在武寧坊內明洪武二十四年邑人支安重修二橋並在縣南

景德寺橋 元至正三年僧自心建

惠政橋 在景德寺前明洪武五年邑人周建卿建

迎喜橋 在景德寺後本朝康熙十二年建

高下橋 在報國寺西相傳以高平郁氏墓名明洪武二十五年邑人何清之修本朝乾隆六十年里人重修

開元橋 在高平橋西南

大善橋 跨前浜本朝康熙十二年建嘉慶二十年修

無不利橋 在永懷寺西明洪武二十七年邑人祝氏修本朝乾隆六十年重修

舞雩橋 在儒學東俗名學橋明宣德五年典史董常修

狀元橋 跨狀元涇

普通橋 在縣治西明洪武二十年邑人陶華修以上並在縣西南

清風橋 跨西市河明洪武五年邑人蔣富修

明月橋 明洪武四年邑人王子政修

紅木橋 本朝嘉慶十五年里人建

半山橋 跨至和塘明永樂九年知縣芮翀修天  
順五年里人歸克愛重修鄭文康記

全相橋 在半山橋西明洪武  
十三年邑人羅成修

鰲峯橋 在半山橋南俗名樂輸  
橋明洪武間陳伯川建

高橋 在篩穀浜南本  
朝乾隆六十年修

拱翠橋 在篩穀浜口本朝乾  
隆四十九年沈鏞募修

秀峯橋 俗名西  
新橋

板橋 在馬鞍山前明洪武  
二年邑人金明修

香花橋 舊名慧聚寺前橋元  
貞二年僧與閻建

楊家橋 在馬鞍山前跨山塘涇  
明洪武四年僧本覺修

燕尾橋 本朝順治十一年里  
人建以上並在縣西北

黃家橋 在燕尾橋北明洪武四年防禦  
官李得建本朝嘉慶二年修

相里橋 明萬曆三十二  
年里人張棟建

見山橋 俗名小橋明洪武七  
年邑人金大年建

會仙橋 在清真觀南俗名觀橋宋乾道七年道士翟  
守貞建本朝乾隆二十七年道士孫鼎修

泗安橋 跨山塘涇元至正三十  
一年邑人顧榮三建

山溪橋 在馬鞍山後明洪武二十年邑  
人劉元吉修以上並在縣北

以上崑山縣治

三元橋 俗名小高板橋  
明隆慶六年建

流慶橋 在三元橋東南旌孝坊內  
元至正間邑人費兼善修

戊己橋 俗名撩鐘橋在婁豐坊內  
元至正間邑人任初修

東新橋

在東門

奚婆橋

在東門跨木人涇宋嘉祐八年邑人奚氏建

永壽橋

在養老段東北本朝乾隆五十年重建以上並在縣東北

茅家橋

在儒學坊西邑人朱衍建本朝乾隆六十年里人重修

通闔橋

在貴德坊內明洪武十年邑人史子明建

後市橋

在通闔橋西本朝乾隆五十四年重建

尊榮橋

在餘慶坊內明洪武十年楊子昌建

香花橋

在薦嚴寺前本朝乾隆四十二年僧齊賢募修

環秀橋

在香華橋東

羅漢橋

在安榮坊內本朝嘉慶三年里人重修

興福橋

在安泰坊內俗名龍亭橋二橋並元至正二年僧希賢建本朝嘉慶二十年里人重修

通濟橋

在朝宗坊內舊名廣濟俗名南道堂橋宋嘉祐五年邑人張成建本朝康熙十二年邑人葉奕苞修乾隆十五年

里人重修

唐家橋

在尊榮橋西南厚俗坊內明洪武二十八年邑人高昇建

東城橋

在興仁坊內俗名北道堂橋明洪武二十年邑人吳亨一建

寶月橋

在寶信坊內明洪武八年邑人馬福建本朝道光元年里人改建木橋

採蓮橋

舊名永福明永樂間邑人王蕙重建

甫庫橋

在積善坊內明洪武十五年邑人顧福建以上並在縣東南

進賢橋

進福橋

在縣學東明洪武二十年邑人莫福建二橋並在縣西南

月城橋 在歸太僕墓東 本朝嘉慶二十四年里人重修

許墓塘橋 在縣北明洪武五年僧大心建

以上新陽縣治

崑山新陽二縣城外橋

東南門釣橋 本朝嘉慶十四年里人重建

東門釣橋 本朝嘉慶五年里人重建

大西門釣橋 本朝嘉慶七年修

北門釣橋 本朝乾隆五十七年修今圯

玉虹橋 在東門外跨至和塘相傳梁大通中建 本朝順治五年圯十二年里人周思盧榮重修

駟馬橋 在小西門外宋淳祐十年主簿劉棠建 本朝乾隆五十四年修

迎恩橋 在迎恩坊有東西二橋並跨小虞浦 本朝乾隆二十二年里人重修

夾潮塘橋 在東門外趙永齡重建 本朝乾隆三年里人趙永齡重建

楊子橋 在東南門外 本朝乾隆三十八年里人重建

利民橋 在北門外今名梁帶橋 本朝乾隆三十二年建

安慶橋 在郭澤塘口 本朝嘉慶二十五年張廷俊重建

以上二縣合治

朝陽門釣橋

文惠橋 在東門外明萬曆三十二年建

長春橋 在東門外一名越河橋 本朝嘉慶三年里人建

王官人橋 舊名廣惠橋 本朝乾隆五十年修

進福橋 在朝陽門外

積善橋 跨諸天浦明萬曆四十四五年建  
本朝道光元年顧遵義樹德修

積福橋

陶家橋 二橋並 六年里人支奉蕃建  
本朝順治

潘家橋 即積德橋明崇禎十年里人潘振溪  
本朝乾隆四十年里人重均

永安橋 俗名陸家橋元至正十年里人修  
本朝乾隆四十年里人修

草堂橋 在普濟橋南

青龍第一橋 在縣東南六里跨橫塘明嘉靖十三  
年本朝嘉慶十四年里人重建

永濟橋 在青龍橋北跨橫塘明萬曆四十四年甫里陳世和等重建  
臣建本朝乾隆二十四年甫里陳世和等重建

橫塘橋 在青龍橋南明萬曆二十四年甫里陳世和等重建  
以上並在東南門外

廣順橋 在縣西南趙靈興福寺前明洪武二十二年  
年僧智新建天啟四年里人匡良玉修

七家橋 一名戚家橋在趙靈寺東南  
明洪武六年里人尤仲卿建

興隆橋 在張浦鎮明萬曆四十四  
年張浦鎮明萬曆四十四

聚福橋 在趙靈寺西南本朝順治  
十年邑人張立方邱淵建

永安橋 明萬曆三十三年  
邑人王子秀建

福隆橋 明萬曆四十七年  
明萬曆四十七年

鬱里橋 明崇禎三年  
明崇禎三年

迎陽橋 在周巷村本朝  
康熙十一年建

天水橋 在天水庵前本  
朝順治中沈姓建

黃公橋 在陳墓鎮本朝乾隆  
五十八年孫達儀重建

南新塘橋

本朝康熙十八年建

同坵橋

在同坵村明嘉靖二十一年里人孟選建本朝乾隆五十一年里人重建

通濟橋

在大直浦本朝順治六年邱淵建道光二年僧重牟等募修

萬安橋

跨張漫涇本朝順治九年邱淵募建

濟眾橋

一名麗澤橋本朝乾隆三年王漢雄建

眾安橋

一名于家橋在陳墓鎮本朝乾隆三十四年里人修

天寧橋

明永樂五年里人郭子敬建三橋並在陳墓村

正陽橋

在角直鎮明崇禎九年里人許元恭建本朝順治十一年里人嚴昌嗣修乾隆十三年陳朱組周起元

募建

郎浦橋

在盛蕩村明洪武四年里人邵七建以上並在縣西南

中正法華橋

在洼浦元至正二年里人許某建明永樂四年邑人袁大重建

涇浦橋

去縣二十五里元至正八年里人許八助建

諸家橋

在張潭浦明永樂四年里人王榮二建

三墩橋

去縣二十三里東嶽廟前明永樂四年里人李子正建本朝乾隆四十九年里人重建

刁家橋

在沈巷村明永樂六年里人陸興一建

東西宿浦橋

去縣三十六里明永樂十五年里人孫添澤陸顯宗各建本朝康熙壬寅年張惠元修

道褐浦橋

去縣七十二里明洪武六年里人李庸建本朝嘉慶元年里人重建以上並在縣南

萬壽橋

在陸家浜本朝康熙四十六年重建

滬瀆通濟橋

在龍王廟南跨夏駕湖本朝乾隆中里人孫綸等重建

同善橋

新河橋 三橋在西橫塘並 本朝  
康熙六年里人錢惟善建

太平橋 明嘉靖  
七年建

狀元橋 明萬曆四十年邑人李  
士魁建二橋在李巷村

萬安橋 在綠葭浜西跨吳淞江俗名江橋明  
崇禎十三年常熟錢謙益倡助建

淞南第一橋 在干墩浦明永樂四年范仲能建俗呼  
張家橋 本朝乾隆十六年里人重建

永福橋 在干墩明崇禎元年里人徐賓陽建  
本朝乾隆五十二年重建改名啟秀橋

證願橋 在永福橋南明崇禎十年里人顧紹芬建  
本朝乾隆五十二年重建改名凝薰橋

吳家橋 在干墩南相傳賣醬吳翁始建木橋明萬曆七年里  
人沈松源改建易石築亭其上徐應聘記 本朝康

熙中余方  
濤募修

種福橋 在干墩鎮舊名西莊橋  
本朝道光元年里人重建

廣安橋 在吳家橋南明崇禎二  
年里人邵國尊等同建

陶家橋 即尚書橋在廣安橋南三里相傳唐陶峴居浦上建  
明萬曆四十五年沈松源改建諸壽賢記 本朝乾

隆五十五年  
里人重建

大有橋 跨尚書浦 本朝康熙間  
陳聲聞陳思贊等重建

崇福橋 在磧硤村福嚴寺前明天順七年僧文  
湛建 本朝嘉慶三年圯里人重建

橫港橋 去縣東南三十里 本朝  
康熙五年休寧洪世臣建

大鴉橋 在楊及  
涇西

黑龍橋 在楊及  
涇南

安阜橋 在大墅港 本朝嘉  
慶十八年里人公建

延齡昌後橋 在大墅港西口 本朝  
嘉慶十八年林吳氏建

壽安橋

在大墅鎮 本朝乾隆五十年顧錫謙建

放生橋

在井亭港南 本朝嘉慶十六年圮十七年圓津庵僧覺明募修

毓秀橋

在尚明澱 本朝乾隆四年建

詠風橋

在楊湖涇 本朝嘉慶十七年里人建

南顧浦橋

在安亭南明永樂四年建萬歷間里人張惟蕙助建 二橋南垞並屬青浦縣

狀元橋

宋祥符元年衛文節公涇建元至元二年邑人胡道茂修 本朝乾隆十四年王嗣會重建

接官亭橋

宋祥符元年衛文節公涇建 本朝嘉慶三年里人重建

侯家橋

本朝嘉慶二十年五年里人重建

唐家橋

本朝乾隆四十二年唐元英建

龍安橋

俗名東石橋 本朝乾隆四十年建

石浦橋

元至正十七年里人胡茂卿建 本朝乾隆十九年王嗣會助建 以上六橋在石浦鎮

望江橋

去縣三十七里跨金竈浦元至正十八年里人張庸建

陸虞浦橋

即全福橋去縣七十里明洪武十年里人王伯鈞建 本朝嘉慶十四年里人重建

南夏駕橋

去縣三十二里明永樂九年里人張善亭建 本朝康熙間黃維湍修

南石橋

在泗橋鎮明永樂六年里人邵宗紹修

安里橋

跨車塘去縣十八里

歇馬橋

本朝乾隆三十年修

溢浦橋

舊名萬善橋 本朝嘉慶二十二年里人重建

善度橋

本朝嘉慶十七年里人重建

雞鳴橋

跨雞鳴塘口 本朝嘉慶八年常州衆商人重建

孔巷橋 在孔巷村 上並在縣東南

井亭橋 在縣東鍾家涇上 明洪武十二年里人郁道林建

祝思渡橋 在東南門外 十里跨青洋江

祝思渡 在東南門外 十里建木橋 撤

徐公橋 跨徐公浦 本朝嘉慶十四年里人重建

紅廟渡 在祝思渡南

葛家渡 在紅廟渡南

張家渡 在干墩北

廟渡 俗名毛渡 在張浦北

新渡 在安亭鎮西

明月渡 在新渡西

浦缺渡 在明月渡西

錢家渡 在浦缺渡西

沙蘿渡 在錢家渡西

以上崑山縣治

小西門鈞橋

金童橋 在大西門外 跨小瀆涇 明洪武十六年邑人沈榮修 本朝乾隆三十八年重建

太原橋 在小西門外

榮陽橋 在太原橋西 本朝乾隆五十三年里人修

古閘橋

通文橋 今名鹹井橋在小西門外水次倉東

阜民橋 在水次倉南向係石橋以形家言不利學校 本朝順治九年毀石改木康熙十一年知縣董正位重建

乾隆五十六年重修

應山橋 在水次倉後

東盈橋 在水次倉東北

西盈橋 在水次倉西北

利民橋 在北門外

蝦蟆橋 在南門外

廣惠橋 在東南門外俗呼王官人橋

普濟橋 近廣惠橋

新漕橋 在廣惠橋東

須浦橋 在舊超化院西

香花橋 在舊超化院前

秦浦橋 在呂巷村

三里橋 去縣西三里 邑人王仁建

九里橋 即九涇橋明永樂十年 邑人王珂建

真義橋 去縣二十里跨真義浦明永樂十一年縣丞王珂修 萬曆三十九年魏尙賢修 三橋在西門外官塘

才涇橋 在真義鎮北 本朝康熙五年 邑人俞允升重建

壽安橋 去縣二十四里明初顧原純建 本朝康熙九年人黃泓建

阜康橋 在巴城村去

廣靈橋 在綽墩山前明萬曆四十年邑人支守禮建 四橋在西門外

虹橋去縣二十里跨溫焦涇明永樂九年里

武成橋去縣三十六里明

張莊濃橋去縣三十四年明永樂十

新瀆浦橋去縣西南十五里明永

永寧橋去縣西南二十里明永樂二年里人

唐涇橋去縣北十八里明洪武

行孝塘橋在縣東南明洪武

保安橋元至正十二年

永安橋元至正十三年里人凌均

禹壽橋俗名東新塘橋明崇禎十三年鄒

永安橋在周市鎮本朝順治十七年

新塘橋去縣北十八里明宣德

玉柱塔橋跨漢浦塘本朝嘉慶二

西倉橋大西門水次倉北本朝乾

懷寧橋跨西越河本朝乾隆四

利濟橋七年本朝乾隆五十

廟涇橋六年本朝乾隆五十

盛安橋朝西二十里跨真義浦本

通運橋教場基南本朝

懷新橋跨西越河南口本朝

平樂橋

十二本朝康熙

積慶橋

平樂村本朝乾隆

仁壽橋

收區十八本朝

利濟橋

隆十四年顧登建

萬緣橋

乾隆十三年建

東瀾漕橋

十七年修

翦子橋

縣東十八里本朝嘉慶

壽豐橋

嘉慶八年里人重建

利濟橋

康熙間潘萃重建

景福橋

俗名中津橋本朝康熙

車塘橋

跨本塘本朝乾隆

永福橋

強巷村本朝乾隆

車塘渡

在葛家

三江渡

在三江口車

邢渡

在華

真義渡

在真

駟馬關

在小西

以上新陽縣治

常熟昭文二縣城內橋

顯星橋

在縣東南宋慶元三年縣令孫應時建舊傳

興賢橋 在縣學左

灣灣橋

迎恩橋 在縣東南宋建中靖國元年道士李則正建雜木石為之明宏治九年知縣楊子器修嘉靖六年知縣胡

鳳易木以石十四年

知縣沈宏彝重修

明楊儀銘琴水東注其源出虞長流有截橫受其趨利涉國

中黔黎所須侯德之亨維遠是圖析堅合異易其朽枯坦兮

洞兮輻輳通衢湯湯放海盈於江湖維

若德教萬民以孚小以著大其在茲乎

新橋 朱驥 文學橋 在子游巷口俗乎醋庫橋宋慶厯五年錄事夏秀建

嘉賓重修闢其左右

而中為亭以休行者

宋黃士毅銘魯鄒而降道為絕學千五百年起濂續洛寥寥

閩派久幾復絕再起滄洲教修日揭無極二五在人一源故

不同地時生聖賢吳通上國公即遊魯胡為厯世莫踵公武

賾蹟亦昧吁方肇祠是用作記意嚴灑譏嗟余小子世閩產

如敢誦所自滄洲之徒登橋而思刻銘述記期我同心

廣惠橋 在縣東北舊名通泰宋紹興間錢氏新之少卿陳

順民橋 在順民倉北明宏治

盛稼橋 十年修俗呼倉橋

孝義橋

以上二縣合治

縣橋 在縣治前 元名州橋

虹橋 又名一 枝梅橋

學士橋 在縣治南舊名信義俗呼跨塘橋宋淳熙十年縣令

曾築重建改名琴川明永樂十五年知縣傅良玉重

津梁二

修金幼孜記宏治間學士

李傑建坊於此改今名

宋曹緯記畧東吳澤國千涇萬瀆皆瀦於三江浮於震澤紫

帶而下至琴川分爲五浦而后入於海其經絡於闡闡之間

毀來往患之邑之人欲更爲石梁久矣淳熙癸卯曾公爲政

之明年出公帑之餘爲之倡遠近士民莫不協議畢力克伸

僾功會不踰時沆臻成績乃以邑之地名之日琴川自公改

斷蒼珉結地盤固而高廣有加也登焉引覽則千里在睫晨

霏夕靄春穠秋瘠征帆忽見飛鳥明滅瓌奇萬態間見層出

騷人高士過之心景冥會則停驂嘯傲躡步微吟自適於意

謂處喧囂而接遐曠者歟何向晦而今顯自

非公之精識逸韻其能經營裁畫之如是耶

鎮橋在縣治南宋慶元三年

太平橋因太平巷名

焦家橋舊名通利橋

小虹橋俗呼洞橋 以上三

沈家橋又名染子橋

市曹橋在沈家橋西舊有市司故名

慶仙橋

昇仙橋與慶仙橋對俗呼八字橋

迎仙橋在昇仙橋南

望仙橋在迎仙橋南明天順七年邑人顧仲傑重建四橋並以徐神翁昇仙故名

魚行橋宋寶慶四年縣令王文雍建

草橋元至正間建

中和橋

寶慶橋 在城隍廟南

金李庵橋

龔家橋

范公橋 以上十三橋並  
在縣治西南

香花橋 在慧日寺前

善利橋 其地舊多貨易

和嘉橋 俗呼何家橋

迴龍橋

廣義橋 舊名米糶橋二  
橋在焦尾溪上

王家橋 以上六橋並  
在縣治西

孩兒橋

黃柏橋 在市心街北

天心橋

金家橋

包家橋

俞家橋

小洋子橋 在邵巷北  
橋並在縣治西北 以上七

紅板橋

保安橋 元至正間建  
二橋並在縣治東北 以上

以上常熟縣治

廣濟橋 在小東門內

萬壽橋

郁家橋

顧家橋 在塔東南

香花橋 在塔前

言子橋 在文學橋北

通濟橋 俗呼坊橋連福山塘通大江

瞿橋 明宏治間知縣楊子器重修琴川志云舊志有隱仙和風二名殆指此與通濟也 二橋並在縣治西

東何家橋

清和橋 二橋並在縣治北

滑石橋 在縣治西北

毛家橋 在縣治東北

魚家橋 魚侃居此在大東門內

黃板橋 有東西二橋在縣治東

以上昭文縣治

常熟昭文二縣城外橋

壽帶橋

高橋

李家橋

小東門水關橋

通河橋

陳范市高木橋

七星橋

儒浜積善橋

五了涇高真堂橋

南山涇石橋

以上二縣合治

釣橋 南曰承流 西曰秋報

介福橋 在望海門外又名拱辰 明成化間知縣鄧琪建

永濟橋 在翼京門外三里 本朝康熙五十九年建 陞令陳守創記

豐樂橋 通舊南倉明宣德間縣丞李子廉建 正統間巡撫侍郎周忱重建 成化間知縣甘澤修

惠南橋 近豐樂橋明嘉靖間知縣梁英建 萬歷間邑人嚴楠修改名知政

練墩浜橋 去縣三里

徐涇橋 去縣六里

莫門塘橋 去縣九里

斜橋 去縣十里

照山橋 一名下斜橋明崇禎間邑人尚寶卿許士柔重建

魏涇橋 去縣八里

廟塘橋 去縣二十一里 縣志塘作涇

潭塘橋 去縣二十四里

顧涇塘橋 去縣三十里

吳塔橋 去縣三十五里 以上並在縣南  
承流門外官塘至長洲縣交界

殿橋 跨山塘

程稼橋

拂水橋 俱跨山塘

湖橋 去縣十八里 明宏治十一年知縣楊子器建崇禎十一年邑人孫林修 本朝康熙中邑人沈萬育重建橋

西南隅當中秋時月出東山皎在水底而仰視無月蓋為橋所掩邑中以為勝景

沈店橋 去縣四十里 以上

濟民橋 去縣二里 明正統間巡撫侍郎周忱建宏治間兵備僉事伍福重修

報慈橋 去縣三里

茅塘橋 去縣十二里 以上  
並在縣北望海門外

順民橋 去縣四里 明宏治間巡撫都御史呂鍾建李文安公傑居此俗呼李家橋

尚墅濟民橋 去縣八里

九澗橋 去縣十五里

廣利橋 去縣九里

福民橋 去縣十里

祿莊橋 去縣十四里

崔浦橋 去縣五十里 以上  
並在縣北通江門外

黃土塘橋 去縣三十里

張港涇橋 去縣十五里

柴涇橋

羅墩橋

二橋在尚湖南

永安橋

在莫城南元延祐間建以上並在縣南村鎮

孩兒橋

元至正間建

語廉涇東橋

在四十二都明成化間建

東西湖涇橋

三塘橋 二橋在四十三都明成化間建以上並在縣東南村鎮

馬涇橋

孀婆橋

二橋在四十四都

朱涇橋

明正統間建

張公橋

宋寶慶間建

洞涇橋

明洪武間建

廟橋

明永樂間建在四十九都四

湯家橋

在二十一都明宣德間建

習善橋

俗呼黃石皮橋

墅橋

今稱大義小義二橋去縣三十五里明知縣鄭濬建

讓塘橋

俗呼尚塘橋徐恪記

坊橋

河陽橋

五橋在十二都以上並在縣西北村鎮

塘頭橋

去縣二十里元延祐間重建

張墓橋 明嘉靖中副使范來賢建崇禎間邑人孫林重建本朝乾隆間又重建

洩水陸橋 以上並在縣西南村鎮

轉河橋 在福山鎮南明宏治間建

福山港大橋 舊有渡

西洋港橋

奚浦港橋

黃泗浦港橋 以上並沿海各港

萬豐橋 在常熟西鄉奚浦塘南本朝乾隆四十八年楊岱建

南山橋 在朱家壩南本朝嘉慶十四年王頌芬建

界涇關 在縣西南五十里接無錫縣界

福山閘 在黃泥灣本朝康熙四十八年奉旨建

以上常熟縣治

釣橋 東曰行春元至正間建

迎春橋 在行春橋東元至正間知州盧鎮建明成化間知縣鄧瑛甃石重建改名熙春

尖口橋 去縣四里

新橋 去縣二里

壽慈橋 去縣十五里以上並在縣東行春門外

富安橋 通舊東倉明宣德間縣丞李子廉建成化間知縣甘澤修改名阜安范安記

五瞿橋 去縣五里明天啟中邑人瞿懋業重建易木以石以上並在縣東南阜安門外

虹橋 跨梅李塘

前港橋 在二十

通海橋 琴川志云許浦過梅李鎮潮汐迅疾鎮橋之下往往壞舟因開月河以殺水怒即此

月河橋 明參政王鼎更名紫微

永慶橋 三橋在梅李鎮

鳳塘橋 在李墓

塘橋 在崑承湖南跨時涇

戈莊橋 接崑承湖

大陸涇橋

珍門橋

壽涇橋 在二十六都

東義橋 跨清水港

西義橋 跨避湖涇

長毫橋

陶公橋 二橋並明洪武間建

楊塘橋 宋端平間建

江門橋 宋淳祐間建

嚴舍橋 宋端平間建

天打石橋 在二十七都龔立本縣志云疑即三匯橋

貴涇橋 在二十八都元延祐間建

任陽橋 去縣六里

上社橋 去縣六十五里 以

御渡橋 在文村以宋高宗過此故名

賀勝橋 在二十九都東接許浦通大海宋紹興間金人入寇左軍李寶駕樓船水戰大勝獻捷於此因建橋云

杏花橋 去縣七

黃涇橋 在三都

萬石橋

報恩橋

西虹橋

東虹橋 四橋在三十七都

范橋

橫瀝塘橋 二橋在三十八都

平昌橋 在四十都元至順間謝總管建

釋子石橋

興信橋 與上橋相對俗呼八字橋

寶寶橋 三橋俱宋淳熙間建

四丫口橋 在四十二都

鹽鐵塘橋 在白茆口以上並在縣東北村鎮

葛墅橋 元至正間建

聚寶橋 二橋在二十二都

塢邱山橋 在二十四都明宣德間巡撫侍郎周忱建

橫塘橋在縣東南

白茆港橋

舊塘橋

金涇港橋

唐浦港橋

高浦港橋

徐六涇橋

許浦港橋

干步涇橋

耿涇港橋

海洋塘橋以上並沿海各港

白茆渡自鮎魚口至海口名官渡

白茆閘在李慕塘周涇口舊有之本朝康熙二十八年奉旨修

以上昭文縣治

吳江震澤二縣城內橋

重慶橋俗呼斜橋亦曰馬家橋在城隍廟東南明嘉靖元年重建本朝嘉慶二十五年圩民捐修

太平橋俗呼傅家橋明正德六年巨人何源重修

萬民橋在小東門內俗呼城河橋三橋並在後河

積慶橋在水西門內明宏治六年知縣金洪邑人王宗吉建

永安橋俗呼新橋在聖壽寺西明洪武八年僧法海建

三多橋

永定橋 俗呼大倉橋元至治元年知州陳璧重建三橋並在西河

以上二縣合治

永寧橋 在水東門內初以木為之明嘉靖二十七年知縣邱岳易石重建

仙里橋 在東門內姑蘇志世傳陳昉於此仙去下有仙人洞明宣德五年知縣賈忠重建嘉靖十二年知縣張明

道作亭其上名仙蹟亭今廢本朝順治十七年煨知縣趙子山重建

獬豸橋 在縣門右舊名庶寧橋宋建元大德六年判官王英堯弼再建改今名蓋取戒石亭之名也嘉靖六年知縣徐岱修四橋並在前河

看波橋 在縣治東一名笠澤橋今塞

利民橋 在尙書巷西俗名亭子橋元至正十四年邑人李誠建明成化中里人申寧作亭其上嘉靖七年修

六子橋 在縣治北明洪武三年里人沈君實重建正德十一年修

吳興橋 在六子橋東元至正二十年僧智堅建明嘉靖中里人吳邦模重建

通利橋 在衍慶坊南元至正七年邑人沈敬建明成化二十年修

淳安橋 在崇真觀左明洪武十七年知縣張紀雲建成化三年重建

亨利橋 在水東門西明洪武十四年知縣饒毅重建宏治五年修六橋並在中河

治安橋 俗呼小倉橋

濟民橋 俗呼駝橋明正統十年縣丞吳斯建二橋並在後河

歸明橋 在縣治東南俗呼旱聖堂橋元泰定二年建

望京橋 在望京坊內二橋並旱橋

以上吳江縣治

惠民橋 在後河明嘉靖二十二年重建

水關橋 在西河北水門內

以上震澤縣治

吳江震澤二縣城外橋

保安橋 在三天門對河本朝順治初建

濟南橋 在關廟前明嘉靖二十年吳涉建

履泰橋 明嘉靖三十年郎中吳涵建

子來橋 在關廟後明萬曆十六年邑人吳士龍建

泰安橋 俗呼新橋

武安橋 在關廟左六橋並在南門外

永濟橋 即北門鈞橋明正統四年邑人許珣重建嘉靖五年知縣胡淪修本朝嘉慶八年陳南士等捐修

大通橋 在北門外明洪治十三年知縣吳一本重建崇禎四年知

縣俞朝相修

大浦橋 在八斤俗呼八斤橋明洪武十七年建嘉靖二十四年修

明徐師會記畧吳江為縣當江湖之交自築長堤以來左江右湖之水東流入江以達於海其間洩水之道不下十數而

甘泉為最鉅厥後甘泉日微則水南出八斤大浦之港怒而東奔昔人嘗駕木橋以瀉之然口隘水湧西風發舟經其左

輒覆溺死者不可勝計嘉靖中海口隘水湧西風發舟經其左土目擊其事曰吾既不能疏甘泉之淤猶能廣大浦之口乃

與其徒守清虔心募施會錢宗德者見而義之施捨之外復貸金以贍其費石工鄒恢亦願茹淡素以獻力於是伐石

僦工撤舊木關浦口而改建焉為拱七長十有八丈廣一丈一尺經始於二十五年四月至二十七年四月告成

安德橋 在平望鎮南一名平望橋宋慶元三年邑人陶莊建明成化十九年知縣陳堯弼重建本朝康熙五十年

七年知縣葉前里人程國棟等重建前白為記乾隆四十年重建

**安民橋** 在平望鎮北俗呼北大橋明嘉靖三十四年僧圓真

記吳江三橋南曰安民在新涇中曰利民在七里涇北曰濟民在吳涇初澄源鄉並漕河有村十七家居河南田占河北欲濟無梁郡從事夏日長為之建橋錢子高作記近日郡縣志俱不載遺址莫考此安民建自明中葉名雖同要非其舊也

**通安橋** 在平望鎮南一名賽里橋俗呼南石橋又呼畫眉橋

修 本朝康熙五十一年僧果緣募建知縣張壽崗記 二橋並跨塘

以上二縣合治

**福民橋** 即東門釣橋明正統四年邑人何海重建易今

**裕民橋** 在長橋北今名聯虹橋明成化中建嘉靖二十三年里人丁宜重建易木以石

**利往橋** 俗呼長橋又名垂虹橋宋慶曆八年縣令李問尉王

告警有倡議焚橋者郡守洪遵堅持不可得全元泰定二年

判官張顯祖始易以石下開六十二洞每洞用鐵錫條各長

一丈三尺水底釘以杪枋以防傾圮兩塊立匯澤底定二年

玉再建增開八十五洞明洪武元年知州孔克中重修永樂

二年知縣蔣奎砌磚而翼以層欄正統五年巡撫侍郎周忱

修成化七年知縣王迪修十六年邑人屠母趙氏重建錢溥

記 本朝康熙五年知縣劉定國重修增置石欄金之俊記

四十七年濬河掘起橋底所釘杪枋未幾橋斷知縣葉前

邑人包咸等重建陳大慶記嘉慶四年仲振復等重修

東西千餘尺市木萬計不兩月工忽大就即橋之心侈而廣之構宇其上登以四望萬景在目日垂虹亭初縣城為江流所判民半居其東半居其西晨暮往來事無纖巨必舟而後可故居者為不利縣當驛道川奔陸走者肩相摩櫓相接也卒然有風波之變則左江右湖漂泊無所故行者為不便及遊觀之美登賞之樂哉雖然湖光萬頃與天接白洞庭薦碧雲煙占清月秋風夏鷺滅埃斷榜聲棹歌嘔啞互引後盼前睨千里一素是亦有足樂焉庭堅字世美余友也欲余之文以信本末余嘗學春秋太史氏法乃書曰慶歷八年六月二十八日蘇州吳江縣初作利往橋成元袁桶記畧震澤東受羣川汪洋巨浸至吳江九廣衍地為南北衝千帆競發駛風怒濤春激噴薄一失便利卒莫能制唐刺史王仲舒築石堤以順牽挽宋慶歷八年邑宰李問始建長橋由是各捨舟以途來往若織水嚙木腐歲一治葺益為民病泰定元年冬州判官張君顯祖始泄事有廣濟僧崇敬言木為梁弗克支遠易以石其迄有濟參知政事馬思忽以督運至吳乃採其議周詢以籌首捐貲以勸敬復曰作事謀始不可不慎有善士姚行滿能任大工役繪圖相攸經畫

舉具咸服姚議於是參政委郡守郭侯鵬翼役未與丞相答刺罕公朝京師回道由吳江即捐萬緡而府縣士民相胥以勸平章高公貫來江浙力屬張君俾終是工社侯真來守是土亦曰張之言善二年閏正月建橋明年二月橋成長一千三百尺有奇捷以巨石下達層淵積石既高環若半月為梁六十有二以醜剝悍廣中三梁為尺三百以通巨舟層欄後狻危石轟屬毳以文甃過者如席舊有亭名垂虹週遭嵯峨因名以增榮觀焉大名橋在學宮右舊名大明宋寶慶三年邑人謝妙真建明宣德五年知縣賈忠重建驛橋在接待寺前早橋登龍橋在文廟南宋淳熙二年學生王南建明宏治十醋坊橋在呼家橋明永樂九年重建更名太平宏治安邑橋在南門外俗呼跨塘橋萬金橋在北門外俗呼聖堂橋明成化元年邑人沈昇建本朝嘉慶二十五年圩民重建

廣運橋 在外場東明宏治九年水利主事姚文灝建天啟二年知縣晏清修本朝嘉慶十五年程邦憲等重修

小廣運橋 在厲壇左明天順八年義婦蕭氏建

大有橋 在舊巡撫行臺左明成化二十三年里人朱江等重建正統二年再建本朝康熙十年修

三里橋 在東倉門左元泰定元年再建

小橋 在舊迎恩館左以

三江橋 五嶺元泰定二年建明永樂中修嘉靖十六年知縣林應麒重建崇禎十一年再建本朝嘉慶三年重修

觀瀾橋 四嶺元泰定二年建明永樂中修

惠政橋 元泰定二年建

仙槎橋

廟涇橋 元至正五年知州那海重建明永樂中修

萬頃橋 元至正六年知縣曹一麟易木隆慶初仍易以石

定海橋 俗呼七星橋元至正五年那海重建明嘉靖三十一

李遷梧 重本朝嘉慶十年重修

三山橋 元至正五年那海重建明嘉靖三十一

甘泉橋 一名第四橋以泉品居第四也明嘉靖三十

通津橋 元延祐六年知縣曹一麟再建萬歷初毀易石重建

龔家橋 元至正五年

徹浦橋 元至正五年那海建明嘉靖三十一年圯改為木橋崇禎二年重建本朝順治初毀康熙間改作平橋

以上並在觀瀾浦至徹浦石塘

白龍橋 明洪武十九年塘長顧某易石重建嘉靖二十五年僧文玉再建

南六里橋 明洪武中邑人杜一重建天啟二年再建

三里橋 在黎涇浦北明洪武中僧如海重建

雙里橋 在雙里舖南元至正間建

鰍魚橋 在黎涇明洪武間邑人張亨重建

積善橋 在積慶寺南明洪武中邑人史原重建嘉靖間毀萬曆十年重建

七里灣橋 明永樂十年重建

楊橋 明永樂九年重建以上並在平望鎮南至王江涇土塘

浮玉洲橋 三洪在朝順治十三年重建嘉慶五年修本朝順治十三年縣尉王庭堅建在北塘至夾浦橋為元和縣界

七里橋 俗呼萬家橋宋慶曆七年縣尉王庭堅建在北塘至夾浦橋為元和縣界

永濟橋 在陸巷俗呼南溪橋明景泰三年里人張宗理建

前莫橋 俗呼北溪橋明洪武中里人莫廷芝重建

石家橋 明洪武中里人奚氏重建

同壽橋 在越來溪明洪武中莫廷芝重建

壽寧橋 元至順元年邑人史伯良重建

黃水匯橋 以上並在一都元泰定元年建

天津橋 元至治三年建

積善橋 明嘉靖中建二橋在柳胥村

登雲橋

三條橋 明天啟四年建二橋在麻溪以上並在二都北

溪橋 在穆和溪明成化十年建

前姚橋

下姚橋 二橋並明永樂五年建

程林橋

李墩橋 以上並在舊二十一都

望恩橋 在黎里北柵口明嘉靖五年道士王光曙建

清風橋

明月橋 元大歷二年里人施碩重建明正德十三年僧月干重建

里仁橋 明成化十三年巡檢鍾清源督里人重建本朝嘉慶十五年汾湖巡檢鍾清源督里人重建

普寧橋 明嘉靖十六年重建今廢

大陵橋 明成化十三年道士吳雲山重建本朝嘉慶十五年巡檢鍾清源修建

際恩橋 明成化十年建

登瀛橋 俗呼濶橋明永樂十三年重建本朝道光二年里人李德儀募修

通濟橋 明嘉靖二年建

子來橋 本朝嘉慶十五年巡檢鍾清源重建

進登橋 明嘉靖十年建

梯雲橋

迎祥橋 明正統六年建

太平橋 明嘉靖十三年道士楊浩然重建

覽橋 明宏治二年里人嚴以誠建十四橋在黎里鎮

長春橋

在黃家溪明宣德間建  
以上並在舊二十三都

開源橋

明崇禎  
五年建

善嘉橋

登春橋

在盛澤鎮宋  
雍熙二年建

齡嘉橋

唐開元  
八年建

中山橋

莊橋

烏橋

萬安橋

東秀橋

香波橋

本朝康熙  
三年建

陳馬橋

東楊橋

即白馬  
寺橋

嘉會橋

以上並在  
三十三都

興隆橋

明嘉靖二年水  
利郎中李某建

賽安橋

明成化八年里  
人王璣重建

石炭橋

興平橋

百星橋

以上並在平望鎮  
屬舊二十四都

普濟橋

在二十  
五都

東新橋 舊名東溪橋元至順元年建明永樂間里人李傳等重建成化三年再建易今名

西津橋 今名渡船橋明崇禎間陳元善陸雲祥募建本朝乾隆三十七年王銓等重建

慶榮橋 今名富觀橋元至正十年里人甯成建本朝康熙五年重建

思本橋

水竹墅橋 二橋並宋葉茵建 中新橋 明正統十三年里人胡廷璧重建

長春橋 明成化初里人莫敬周信建本朝乾隆九年修

普安橋 明洪武二年重建宏治中里人顧寬沈達再建

會川橋 明正德初顧寬等建本朝康熙四十四年修

流虹橋 本朝乾隆四十四年修

永昌橋 今名永安橋明成化中道士金志堅募建本朝乾隆四十五年重建

飲馬橋 明洪武中里人陸仲和重建 本朝康熙二十三年再建乾隆四年修

廣濟橋 明成化中里人陳鏞謝人陳銘重建

廣利橋 舊名福建橋明成化中里人陳讓建本朝康熙三十九年再建

廣仁橋 明景泰中里人陳讓建本朝乾隆十三年朱寅陽等重建

乙卯橋 明永樂乙卯里人章思中冷賢建

大通橋 明正德間建

斜橋 明永樂間建 永興橋 明永樂二年重建

得春橋 明天順中里人何蕃周信重建

湯家橋 舊名永興橋明正統十三年道上戴志淵建本朝乾隆五年里人重建獲二刻知即永興橋

昇平橋 舊名中興橋明正統十三年何廷璧重建本朝康熙四十四年項祥甫再建 以上並在同里鎮屬舊

二十  
六都

永安橋 平三 洪武初再建

永昌橋 明洪武十年建

和豐橋 明永樂五年建

大有橋 隆八年重建 嘉靖三十九年建 本朝乾  
以上並在舊二十九都

昇明橋 在盛澤東明崇禎十四年建

澄溪橋 在王江涇北平十一 洪

來秀橋

長春橋 二橋在久詠鄉

以上吳江縣治

確坊橋 在縣北門外 本朝順治初邑人吳之紀趙  
雲重建 及丹生記康熙四十二年易木以石

通濟橋 治十五年易木今仍為石 康熙二十四年修

流虹橋 明宏治九年里人倪昂杜茂  
重建 本朝康熙十五年修

文星橋 在文昌院側 舊以木為之 本  
朝康熙五十六年重建 易石

撫安橋 俗呼楊家橋 明正統  
七年縣丞吳珩建

養民橋 在撫安橋側 俗  
呼小楊家橋

石里橋 俗呼東塘橋 明嘉靖中  
建 以上在縣西門外

廟涇橋 元至正中 知州那海建 明  
嘉靖二年邑人吳洪重建

翁涇橋 在翁涇漾東北  
元至貞初建

盛墩橋 在盛墩北元  
至正中建

裊腰橋 五洪在唐家河東北元至正中建明嘉靖中毀  
崇禎十四年重建 本朝嘉慶十三年修建

來蘇橋 舊名六里橋元至正  
中建明崇禎間重建

長老橋 明成化八年知縣王迪重建嘉靖三十二年毀隆慶  
四年再建萬曆間修 本朝康熙二十七年又建嘉

慶二十四年汪蘭圃等募重  
建 以上並官塘至平望

圓明橋 宋淳熙十年建明萬  
曆中重建改名三元

積善橋 在殊勝寺左宋淳熙十年建明正統間僧清重建景  
泰三年再建嘉靖三十四年毀萬曆中又建改名一  
步

望仙橋 一名寺橋在殊勝寺望仙亭後明正統十三年僧曇  
芳重建成化八年驛丞崔勝再建萬曆四十五年又  
建改名香花 本朝

康熙四十二年重建 塘宋慶元三年建端平元年毀元大德  
大通橋 在後溪通荻塘宋慶元三年建端平元年毀元大德  
十年重建明正統六年巡撫侍郎周忱再建嘉靖三

十四年毀萬曆二十六年重建 本朝  
康熙五十四年再建 四橋在平望鎮

泄水橋 在孫五建明崇禎間修  
俗呼西六里橋久圯里人質庶

延壽橋 安橋石以修今額仍庶安舊鑄  
在諸家浦東明隆慶六年里人

諸家橋 李淮建 本朝雍正六年重建  
在諸家浦東明隆慶六年里人

東濟橋 一名東吳橋在梅堰市東明宏治八年邑人  
沈真重建 本朝嘉慶二年王雲勳等募修

中濟橋 在梅堰跨塘俗呼大橋明洪  
武二年重建隆慶二年再建

西濟橋 一名西吳橋在梅堰市  
明洪武八年沈真重建

百步橋 元至正中邑人趙伯大建  
明正德元年邑人周雲修

三里橋 明洪武中邑人李亨重  
建嘉靖三十七年修

道成橋 在梅堰明洪武中  
休寧黃朝重建

順濟橋 在道成鋪右俗呼浦浜橋元至正

達觀橋 在梅堰明嘉靖三十四年朱山

白公橋 明正統中

斜路橋 明洪武中邑人陳子安建

固皮橋 明洪武中邑人曹桂建

新路橋 明洪武中

吳灣橋 明宣德中

眾安橋 在眾安浦東明成

柳塘橋 跨塘在雙楊市本朝康熙十八年僧如恒重建

仁安橋 在雙楊市西

政安橋 俗呼張灣橋明洪武中邑人沈子進建

慈雲橋 在慈雲寺左

禹躋橋 在慈雲寺前跨塘本朝康熙五十四年里人倪宗增吳永祥等倡建乾隆四十年方勛中等募修

古泉橋 一名曲橋俗呼斜橋

通泰橋 俗呼觀音橋

新興橋 俗呼莊橋上有亭

底定橋 宋淳熙二年重建元至大中廣濟寺僧再建明景泰元年再建嘉靖末又建本朝乾隆三年詔發帑再建

慶源橋 宋嘉定中里人黃伯寧再建明嘉靖中圯改作木橋

思范橋 元至正二十三年重建明嘉靖十一年道士姬玉衡再建本朝嘉慶二十四年龔雲飛等募修三橋

並跨塘

太平橋

明洪武五年重建今淤

香花橋

在普濟寺右十橋在震澤鎮

楊定橋

俗呼西定橋明洪武中邑人黃十秀重建

安慶橋

俗呼馬賦橋元至正中邑人謝子實重建明成化中再建二橋在馬賦村

蠡思橋

元至正中邑人金茂重建明嘉靖二十七年再建今圯

曹溪橋

在曹村鋪西又名曹村橋俗呼東馬路橋元至正三年邑人邵子吉重建

駟馬橋

俗呼西馬路橋在曹村明洪武十一年邑人盛泰來建嘉靖二十八年重建本朝雍正七年再建自

望西至南潯荻塘

福安橋

明正統三年里人翁茂吉重建

安定橋

明正統三年里人翁茂禮建二橋在王墓村

雍熙橋

元至正二年里人周五秀重建

直瀆橋

明洪武二年邑人陳士良建

永安橋

元至正間邑人張子盛重建

練聚橋

望湖橋

二橋在太湖口以上並在二都南

韭溪橋

明永樂十七年邑人吳思誠建

集福橋

在孫家灘後明宏治元年建嘉靖三十四年重建

有泳橋

東林橋

以上在三都西

竹林橋

石輝橋 二橋在四都 崇和寺西

儒林橋 在五都 宋嘉泰二年劉渭建 明宣德十年重建 嘉靖三十年再建

天到橋 名三 洪相傳 宋高宗南渡到此 故本朝康熙四十四年重建

丁公橋 三 洪

雙石橋 三 洪 明洪武中建 萬曆七年重建 本朝

富春橋 明成化二年知縣韓榮因瀆巡檢今廢 森簡村巡檢曹興捐俸重建

仰山橋 明宏治中建 本朝康熙間 改名富春 二橋在孫保村

半路橋 在虞保村 明正德二年里人宋 鐸募建 南境屬浙江烏程縣界

凌公橋 在西澤村 明正德十一年重建

東廟橋 在成村 宋紹定中 建以上並在七都

富潤橋 明洪武中里 人周氏建

安慶橋 明洪武中里 人張信 重建 二橋在十都

通泗橋 在後埭村 明宏治 四年重建

白溪橋 明嘉靖三十七年里人陸完 倪潮建 二橋在十三都

清陰橋 明嘉靖 二年建

過莊橋 明宏治六年里 人貝梯邱山建

永福橋 在姚溪 明洪武 三十四年建

道院橋 在桃墩 明正德三年 邱山建 四橋在十四都

行孝橋 明正德三年里 人沈長德建

興隆橋 在竹里

潘家橋 在蒜墟

吳橋

新橋 在新陳村東五里

一通橋 在新陳村明正德三年道人王惠建嘉靖二年里人沈東明修

集賢橋 明嘉靖二年里人吳清沈明建二橋在十六都

豐橋 俗呼永昌橋明宏治元年里人沈澤重建

澄源橋 平五里在防備港明天順元年里人沈志和建

沈公橋

王家橋

賀家橋

永通橋

後興橋

迎春橋 八橋在嚴墓市

流慶橋 在爛溪小坊村明正德八年里人沈祥重建

北廟橋 俗呼寺西橋明成化八年里人鈕茂重建

善福橋 明成化二年建

織紗橋 明宏治八年建

師古橋

西清橋 五橋在爛溪自豐橋至此並在十七都

蹇橋

獅虎橋

二橋東境並屬浙江秀水縣界

保障橋

妙香橋

清風橋

明月橋

二橋在秋澤村東北

廣濟橋

俗呼亭子橋在南塘港明正德三年重建以上並在十九都

以上震澤縣治

蘇州府志卷三十一終

蘇州府志卷第三十一

古蹟

吳縣

秦伯城

魚城

越城

苦酒城

酒醋城

衛王城

儲城

馬城鹿城

石城

馬稅城

新郭

闔閭宮

館娃宮

南宮

姑蘇臺

郊臺

射臺

夏駕湖

百花洲

走狗塘

香水溪

越來溪

練瀆

明月灣

消夏灣

廢里

角頭

死亭灣

毛公壇

墨佐君壇

胥屏亭

金昌亭

柳毅泉

蓮塘

雉塘

梁朝松

偃松

洗馬池

泮池 蘇學十景

吳女宮

般若臺

鬱林石

越公井

石幢

投龍潭

可盤灣

支遁庵

和豐樓

麗景樓

花月樓

中和樓

周將軍柏

韋白詩石

白公檜

長洲元和二縣

吳小城

伍子胥城

太公城 章祈城

舸城

後城堵城

居巢城

鴨城

麋湖城

欖溪城

巫欖城

酒城

干城

搖城

定錯城

鴻城

陽城

相城

蠡口

昇月館

澣空

臨頓

放生池

夷亭

雞陂

望市樓

齊雲樓

南城宮

吳宮

桃夏宮

射臺

長洲苑

華池 華林園石龍

女墳湖

流盃亭

采蓮涇

錦帆涇

干隧

射瀆

交讓瀆

東城桂

虎邱寺古杉

梁雙殿

虎邱寺玉蘭

虎邱山門古柏

半塘寺銀杏

崑山新陽二縣

婁城

東城

武城

金城

復城

度城

西鹿城

巴城

雒城

顏縣城

瓦浦城

信義廢縣

烏夜邨

乙未亭

常熟昭文二縣

常熟故城

南沙廢縣

海陽廢縣

石城

扈城

九里城

莫城

朗城

利城

支塘城

歸氏堡

石室

梧桐園

鹿園

言公井

雪井

七星檜

昭明讀書臺

丹井

吳江震澤二縣

麋湖西城

前宮

後宮  
西宮

松江亭

垂虹亭

鱸鄉亭

睡龍灣

仙人洞

平望亭

蘇州府志卷第三十一

古蹟

古人往矣遺蹟猶存每為後人流連追想卽其蹟已湮沒不可考而存其名亦足資稽古者之助焉

吳縣

秦伯城

吳越春秋秦伯遭殷之末世衰中國侯王數用兵恐及於荆蠻起城周三里二百步外郭三百餘里在西北隅名曰故吳人民皆田其中寰宇記秦伯初適吳築城在平門外今無錫縣吳城是也西去無錫四十里平墟高三丈

魚城在吳縣西二十五里橫山下越來溪西吳地記胥門西南二十里舊圖經云

養魚城續記云蓋吳王控越之地宜謂吳城謂之魚城誤也橫山之旁岡勢如城郭狀今猶隱隱然周必大南歸錄魚城在田間基厚而方其高三丈博倍之為田百二十畝今屬練墟趙氏土極細故久不壞

古蹟

越城在吳縣西南胥門外橫山下一云越王城又云勾踐城越

伐吳吳王在姑蘇越築此城以逼之城堞髣髴具在高者猶

丈餘濶亦三丈而幅員不甚廣史記正義吳東門解引吳俗

傳云子胥亡後越王從松江北開渠至橫山東北築城伐吳

卽此地也盧志

苦酒城吳地記云魚城西南有故城長老云築以釀酒今俗人

呼爲苦酒城

酒醋城吳地記云在胥門西南三里

衛王城盧志在吳縣界

儲城吳地記云在胥門南三里吳王儲糧處

馬城鹿城並在洞庭西山闔閭築以養馬參鹿

石城在靈巖山

越絕書闔閭所置美人離城也郡國志吳王離宮越獻西施於此盧志今在靈岩山新郭或曰

越王城亦在焉蓋此地吳越之所控守也

馬稅城在洞庭西山

震澤編馬稅爲梁左金吾將軍梁祚將屯軍於此成帝伐之積水陷城遺蹟猶存

新郭詳見鎮

闔閭宮越絕書云在高平里

館娃宮

楊雄方言吳人呼美女爲娃

在吳縣西三十里硯石山今靈巖寺卽

其地也山有琴臺

舊有偃松在其下甚奇今不存

石室俗傳吳王囚范蠡處俗云西施

洞硯池玩花池

或云硯池卽玩花池

玩月池

圖經續記三池雖旱不竭其中有水葵甚美吳

王井

一圓八角相傳爲吳王避暑處

又有響屨廊亦曰鳴屨廊以榎梓藉

地而虛其下令西施與宮人行則有聲因名山半有石鼓即

石射棚大者二十圍小者半之相傳石鼓鳴則有兵山前有

采香徑范志采香徑在香山之旁小溪也吳王種香於香山使美人泛舟於溪以采香今自靈岩山望之一水直

如矢故俗又名皆吳宮遺蹟

南宮盧志南宮鄉在吳縣界亦吳王離宮今小院領南尚有兩石門白宛然相對正在斷浜盡處

姑蘇臺一名胥臺在橫山西北麓姑蘇山上圖經在吳縣西三十里續記三十五

里一名吳王夫差造吳越春秋越王使木工三千餘人入山伐木一年伐木一雙大二十圍長五十尋陽為

歌木客之吟一夜天生神木一雙大二十圍長五十尋陽為

文梓陰為榭楠巧工施校制以規繩雕治圓轉刻削磨礪分

以丹青錯畫文章嬰以白璧鏤以黃金頰龍蛇文采生光乃

使大夫種獻於吳子胥諫不聽遂受而起姑蘇之臺三年聚

材五年乃成高見二百里行道之人道死巷哭不絕嗟嘻之

聲民疲士苦人不聊生洞冥記吳王夫差築姑蘇之臺三年

乃成周旋詰屈橫亘五里崇飾土木殫耗人力官妓千人別

立春宵宮為長夜之飲造千石酒鐘又作天池池中造青龍

舟舟中盛致妓樂日與西施為嬉又於宮中作海或云闔閭

靈館館娃閣銅溝玉檻宮之楹榭皆珠玉飾之

所造吳越春秋闔閭既立夫差為太子使太子屯兵守楚留

樂闔閭出入游臥秋冬治於城中春夏治於城外治姑蘇之

臺旦食鮑山畫游蘇臺射於鵝陂馳于游臺興樂石城走犬

郊臺在橫山東麓下臨石湖壇壝之形儼然相傳吳僭王時嘗祀帝也

射臺圖經續記亦在橫山

夏駕湖在吳縣西城下吳王避暑遊於此故名互見水

百花洲在胥盤二門之間

走狗塘在城西吳王游獵處也

香水溪在吳故宮中俗云西施浴處一云吳王宮人濯粧於此

又呼爲脂粉塘互見水

越來溪在越城東南與石湖通相傳越侵吳自此入故名溪上

有越城橋互見水

練瀆在太湖吳王開以練兵互見水

明月灣在洞庭西山吳王玩月處互見水

消暑灣在洞庭西山之址舊傳吳王避暑處互見水

廩里在洞庭東山吳王牧馬處

角頭卽角里在洞庭西山漢角里先生所居史記正義太湖中

洞庭山西南中號角里村卽此

死亭灣吳郡志在閶門外七里朱買臣妻恥而自縊處也互見水

毛公壇卽毛公福地在洞庭山中漢劉根得道處也根旣仙身

生緣毛人或見之故名毛公今有石壇在觀旁猶漢物互見觀

墨佐君壇在縹緲峯北一里漢延平元年墨佐君於此求仙

胥屏亭圖經續記在吳縣界漢初有陸烈字伯元為吳令豫章

都尉既卒吳人思之迎其喪葬於胥屏亭子孫遂為吳縣人

金昌亭在閶門

范志宋少帝景平二年廢為營陽王幽於吳郡徐羨之等使邢安泰弒帝於金昌亭帝有勇力不即受制走出閶門追以門關踏之此云走出閶門則亭尚在城中陸龜蒙又謂梁鴻墓在金昌亭下一里又似在城外恐在今城有少遷徙耳

柳毅泉圖經續記在太湖之濱雖大風撓之不濁雖旱不耗

范志

柳毅井在洞庭東山道側按小說載毅傳書事或以為是岳之洞庭湖以其說有橋社故議者又以為即此洞庭山爾

蓮塘寰宇記在吳縣西十二里有田數畝生蓮花千葉華麗

盧襄

石湖志行春橋北水放漲而成谷有陸段居民植荷芰為業夏四月花開如雲錦城中土民多得游焉

雉塘在練瀆西一里吳郡志晉瑯琊王彪二女姊號聖姑妹號

素姑聖姑兄治田姑往節之為雉所驚因而禁絕自是西洞

庭無雉

元中記洞庭山舊無三斑謂蛇虎雉侯景亂後乃有虎蛇為害

梁朝松在洞庭西山福源寺

偃松在太平山師子巖下白地掘起甚怪止中一幹聳拔如幢

延袤二畝號眠松張卽之書卧雲二字扁之宋范文正公讀

書處也

洗馬池在府學之南

泮池玲瓏石百幹黃楊公堂槐辛夷石楠龍頭檜蘸水檜鼎足

松雙桐並在府學

宋朱長文蘇學十題詩有序蘇學昔有十題曰泮池玲瓏石百幹黃楊公堂槐辛夷石楠

龍頭檜蘓水檜鼎足松雙桐是也或云蘇子美命名然篇亦  
 莫傳殆有其名而無其辭也予頃至學中訪所謂十題者其  
 存有六而龍頭檜蘓水檜鼎足松雙桐亡矣蘇學故南園之  
 地南園者錢元璪之所作也錢侯好治園林築地浚池植異  
 木充其中未久歸於國朝百年承平之間萬物茂遂得完其  
 生厥後割南園之異隅以為學舍遺址迄今猶有存者而建  
 學之後繼有培植然間有為風霆之所偃拔卒隸之所摧毀  
 甚可太息夫亡則亡矣其存者當為之珍惜因取六物又益  
 之以多幹柏並秀檜新杉泮山復為十題題各有詩以傳來  
 者庶幾觀是詩而愛其物勿剪勿伐則騶虞之仁行葦之厚  
 見於學校之間矣豈止孔明廟柏撫少陵之幽憤太清仙檜  
 發曼卿之奇藻好事博雅為之嗣音元祐七年正月十有四  
 日泮池

怪石鋪幽麓芳塘倚茂林冷光開玉鏡清影滌人心芹藻無  
 傷性龜魚各就深泉源應不涸何必傳岩霖

玲瓏石

巨浪洗蒼玉一峯飛我前鑿開混沌竅窺見滄浪天洞敞延

華月岩虛生翠烟幽軒相對久古意且翛然

百幹黃楊

實幹多林美孤根一氣同春餘花澹薄雪裏葉青葱蕃衍非  
 人力堅剛稟化工寸枝裁玉軫可助舜南風

公堂槐

五紀栽培後三春長育中靈根蟠故國密葉蔭儒宮患與般  
 斤遠歌宜魯藻同先儒垂意遠期此出三公

辛夷

楚客曾留咏吳都獨擅奇風霆存老幹桃李避芳時名入文  
 房夢功資妙手醫紫薇顏色好先占鳳凰池

石楠

昔年曾玩賞移自碧山遙古幹磨文石寒枝熨翠綃雖殊榲  
 梓用終免雪霜彫來者宜珍護毋令困采樵

多幹柏

古柏列重門連枝若弟昆參天分直幹得地共靈根月照龍  
 蛇影風摧鉄石痕鸞皇期可宿香葉向春繁

並秀檜

盤根幾百齡合幹倚冥冥偃蹇雙蚪聳聯翩兩蓋青紫鱗霜  
 外躍紺葉雨餘馨左紐憑仙宇何如拱泮亭

新杉

弱植還生意凌冬見後凋尚低霑雨露更長拂雲霄庭月搖  
 疎影檐風舞細條他年逢匠石寶構壯天朝

洋山  
山形拱泮宮林壑意無窮自得千岩秀無虧九仞功光延東嶺月清轉碧潭風官冷真相稱婆娑一釣翁

美女宮越絕書云美女宮夫差所作土城周五百九十步勾踐

嘗進美女西施鄭旦居之王

般若臺在吳縣西二里晉穆侯何準捨宅建其東北有般若橋

今呼為朱明寺橋吳地

鬱林石在婁門孫吳時鬱林太守陸績罷政歸官儉無裝舟輕

不能道海取石為重世愛其廉號鬱林石

明吳寬廉石記

石之產於吳者奇形怪狀不可盡述良工采之好事者賞之君子則藐之於此有石焉頑然數尺重而不奇蠢而不怪盡山中皆是物也良工棄之好事者藐之君子則賞之豈徒賞

之又從而貴之敬之視其物殆與魯璜秦璧等非物也人也蓋當漢末吳郡陸公績仕於孫氏為鬱林太守相傳汎海歸吳舟輕恐覆取巨石為裝蓋其廉如此公家婁門之內雖頓里之北石留民家至今猶存而埋沒土中僅露其背過者猶能指而稱之曰此漢陸公鬱林石也然未有表識之者宏治丙辰有司以其古物也且特異昇置察院之側作亭覆之名曰廉石始僻而通久湮而顯觀者闕然足蹟不絕惟昔南中有貪泉焉飲之者見寶貨以兩手攫而懷之物之能移人心如此今之廉石正與此戾自茲以往凡過而視之者其廉士固欣然摩挲愛玩以益勵其操若夫貪者將俛首赧顏趨而過之有不動心而改行者尚得為人類也乎

本朝李果移鬱林石記

漢末陸公績仕孫吳為鬱林太守廉於官歸舟輕絕不可越

海取巨石鎮舟以還今郡學中廉石是也高數尺廣殺其三

公官呼鬱林石明宏治中吳郡人石舊在婁門臨頓里以

名廉石見吳寬廉石記國朝裁去察院廨旁築亭以覆更

亦久廢康熙四十八年郡守長沙陳公補建前守況公祠於郡學移石樹之祠前况公在前明夙號為廉吏也陳公典郡

剛毅而能慈愛尤以廉幹稱去官羈潤州日至不能謀朝夕  
蓋遠師乎陸公而近法乎況公者其於茲石宜其肅焉加敬  
不委諸衢路為販夫牧豎所狎玩而必登自學宮表之賢守  
之祠使學士大夫相顧而矜式太息而則效也余獨慨夫後  
世吏道多雜歸舟載石當必有嗤之為愚者其自為計良厚  
矣然不愚者之所載往往不踰時而厚亡而愚者之所載其  
得留之千百年照耀於人世耳目間而無有窮期也愚耶智  
耶當必有憮然與感者矣公在潤州余嘗謁公公屬余記此  
石因書之康熙五十年  
七月十有三日李果記

越公并在治平寺前小岡上唐廣明元年修井記云隋開皇十

年越國公楊素築城穿此井其徑一丈有奇石欄如屏繞上

有刻字

石幢在郡城北數里唐徐浩書郡守陳師錫徙置府第鄉人夜

過河上多見鬼物乃請於州復置舊處其怪遂絕王

投龍潭在龜山下林屋紀遺云嘉定初民於山下採藻獲吳越

王所投金龍玉簡簡以銀製長九寸篆文隱然皆以朱漆填

釵題云太歲壬戌時宋建隆二年也王

可盤灣在洞庭山下洞庭記云吳王遊太湖從此度軍憂艱險

難達益增瞻眺曰此亦可盤桓也故名王

支遁庵在南峯古號支硎山晉高僧支遁嘗居此剡山為龕甚

寬敞相傳有村婦生子於中庵頂遂中裂道林又嘗放鶴於

此今有亭基道林喜養駿馬今有白馬欄云飲馬處也庵傍

石上有馬足四云是道林飛步馬蹟也盧志別

和豐樓在樂橋之南舊名清風樓嘉熙四年郡守趙與憲展拓

其址重建前為樓三間以臨街又為復樓故更名和豐樓

麗景樓在樂橋南

花月樓在平匯坊淳熙中改創

中和樓在吉利橋西淳熙八年郡守鄭霖創

周將軍柏孫吳時周瑜所植在府城隍廟方丈前廟本為瑜故

宅高幾數尋其本去地三尺許拱圍僅三尺其上本拱圍倍

之盤困離奇難以名狀道士袁月渚繪圖一時俱有題咏

韋白詩石在郡齋

唐白居易吳郡詩石記

貞元初韋應物為蘇州牧房孺復為杭州牧皆豪人也韋嗜詩房嗜酒每與賓友一醉一咏其風流雅韻多播於吳中或目韋房為詩酒仙時子始年十四五旅二郡以幼賤不得與

游宴尤覺其才調高而郡守尊以當時心言異日蘇杭苟獲一郡足矣及今自中書舍人閒領二州去年脫杭印今年佩蘇印既醉於彼又吟於此酣歌狂什亦往往在人口中則蘇杭之風景韋房之詩酒兼有之矣豈始願及此哉然二郡之物狀人情與曩時不異相去三十七年江山是而齒髮非又可嗟矣韋在此州歌詩甚多有郡中宴詩云兵衛森畫戟宴寢凝清香最為警策今刻此篇於石傳貽將來因以余旬宴一章亦附於後雖雅俗不類各詠一時之志偶書石背且償其初心焉寶曆元年七月二十日

白公檜唐刺史白居易手植在州宅後池光亭前水中石林避

暑錄政和初已槁瘁高不滿二丈後為朱冲取獻京師死道

中乃以他檜易之禁中初不知也互見公署

長洲元和二縣

吳小城卽子城

虞氏家記吳小城白門闔閭所作秦始皇時守宮吏燭燕窟失火燒宮而門樓尚存寰宇記闔

閭築小城都之今蘇州城也互見城池 歷漢唐宋皆以為郡治元末張士誠據

為太尉府及敗城夷圮畧盡明初獨存南門頽垣上置官鼓

司更號鼓樓盧志今譙樓西小石橋是子城泄水溝石上所刻隸書有唐乾符二年七月十四日建併勾當

料匠等姓名 嘉靖中巡按御史邱道隆毀之城四面舊皆水道所

謂錦帆涇也今多淤塞其東尚有故蹟稱為濠股

伍子胥城互見城池

太公城 章祈城並在縣東北盧志章祈疑即鶉鴻今二十二都

舸城在縣西北平門外盧志疑即柯城

後城 堵城盧志疑即赭城按今尹山鄉有堵城里

居巢城越絕書闔閭所遊城也

鴨城吳地記在吳縣東南二十五里匠門外吳王築以養鴨東有

稀巷又東二里有豆園又東二里有鷄陂皆闔閭置

麋湖城越絕書闔閭所置麋也

欖溪城越絕書闔閭所置船官也

巫欖城越絕書闔閭所置諸侯遠客離城也

酒城吳郡志在壇塘邊夫差祭子胥處臨祭勸酒故名城中有

石子一名陌城圖經續記壇塘在吳縣東南三十五里大江邊夫差十二年既殺子胥投尸於江浮以鴟

夷革後悔之君臣臨江作塘創設祭奠百姓緣為立廟

干城越絕書馬安溪上干城者越干王之城也

搖城越絕書吳王子居焉後越搖君居之稻田三百頃在邑東

南肥饒水產去縣五十里互見村

定錯城越絕書漢劉賈築吳市西城名定錯城屬小城北到平

門丁將軍築治之

鴻城在婁門外故越王城也

陽城在長洲縣東北其左有陽城湖

相城在長洲縣東北五十里相傳子胥初築城時先於此相地

嘗土而城之下濕乃止其地因名

蠡口在齊門北又有蠡塘在婁門東相傳范蠡乘舟出五湖於

此遣人馳書招文種王志別見鄉都門

昇月館在帶城橋東烏鵲館在烏鵲橋江楓館在渴烏巷吳國

三古館也又一館曰通波曰全吳舊傳館凡八全吳通波龍

門臨頓烏鵲昇羽昇月昇平在宋尚存

許墅在郡西二十五里圖經云秦始皇求吳王劍白虎蹲於邱

上遂西走二十五里而失劍不能得地裂為池因名其地曰

虎嚙吳越時諱嚙因改云許墅王志別見鄉都門

臨頓吳王時嘗逐東夷頓軍於此設宴餉之故名今呼臨頓里

其地猶有臨頓橋王志別見坊巷

放生池在郡東城裏濠之陽紹興中以浮邱堂改創歲久池湮

亭圯淳祐中始訪舊基建中立宸翰殿

夷亭前志引吳地記所載闔閭時事謬妄不足據今長洲東有

僧坊號唯亭寺按續記云古館名也

雞陂在婁門外吳王養雞城也又名雞陂墟其東二里有莖園

亦闔閭置王志

望市樓唐有之元微之寄白樂天詩云弄潮船更會觀否望市樓還有會無注云望市蘇之勝地也

齊雲樓白樂天有齊雲樓晚望詩自注樓在蘇州

南城宮見姑蘇臺盧志今長洲縣干將鄉

吳宮南里在長洲苑東南五十里相傳為吳王夫差別宮

唐陸龜蒙問吳宮詞甫里之鄉曰吳宮在長洲苑東南五十里披圖籍不見其說詢故老不得其地其名存其迹滅悵然興懷古之思作問吳宮詞云彼吳之宮兮江之那涯復道經兮當高且斜波搖疏

兮霧濛泊菡萏宿兮鴛鴦家鸞之簫兮蛟之瑟駢筠參差兮界絲密宴曲房兮上初日日落星稀兮酣歌未畢越山叢叢兮越溪疾美人劍雄兮相先後出火姑蘇兮沼長洲此宮之麗人兮留乎不留霜氛重兮孤榜曉遠樹扶疏兮愁烟消渺欲撫愁烟兮問故基又恐秋烟兮搯白鳥

桃夏宮楚春申君所建

射臺二越絕書一在華池昌里一在安陽里任昉述異記吳王射堂柱礎皆是伏

龜

長洲苑寰宇記在吳縣西南七十里范志在太湖北岸越絕書云闔閭

走犬長洲寰宇記引越絕書云無錫湖通長洲多魚而清三國時魏武帝對吳使徐

詳云孤願越橫江之津與將軍游姑蘇之上獵長洲之苑左

思賦云佩長洲之茂苑是也盧志枚乘說吳王滷漢修治上林園守禽獸不如長洲之苑孟

康云以江水洲為苑服虔以為吳苑韋昭以為長洲在吳東  
王應麟云此廣陵之吳漢郡國志廣陵郡東陽縣有長洲澤  
吳王濞太倉在此東陽今盱眙縣廣信賦云連茂苑於海陵  
隋柳顧言奉和揚子江應教詩大江都會所長洲有舊名西  
流控岷蜀東泛邇蓬瀛似又指大江為長洲揚帝賜諸葛穎  
詩參翰長洲苑侍講肅成門大業初又詔秘書學士虞綽等  
撰長洲玉鏡乃幸江都之時此廣陵之長洲也又聚書丙部  
有長洲苑記吳郡顧東里撰江陵元帝所都豈江陵別有長

洲與

唐白居易詩

茂苑綺羅佳麗地女湖桃李艷陽時心奴已死胡容老後輩  
風流是阿誰

孫逖

吳王初鼎峙羽獵逞雄才輦道閭門出軍容茂苑來山從列  
陣轉江自遠村回劍騎緣汀入旌門隔嶼開合離分若電馳  
逐隘成雷勝地虞人守歸舟漢女陪可憐夷漫處猶在洞庭  
隈山靜吟猿父城空應雉媒戎行委喬木馬蹟盡黃埃攬涕  
問遺老繁華安在哉

華池吳越春秋在平昌里華林園在華林里

盧志即長洲縣華林鄉

石龍

在龍壇里

盧志在烏鵲橋東

皆闔閭作

女墳湖在吳縣西北吳王葬女處

互見冢墓

流盃亭在女墳湖西百五十步闔閭三月二日泛舟游之

采蓮涇在城西南相傳吳王使美人采蓮於此

明高啟咏采蓮涇青房戢多子采得儂心喜今夜水風涼君王宿船裏行處綠雲迷歌聲一道齊回頭調越女何似若邪溪

錦帆涇卽子城濠也世言吳王於此錦帆以游

見子城

明高啟咏錦帆涇水遶荒城柳半枯錦帆去後故宮蕪窮奢畢竟輸漁父長保秋風一幅蒲

干隧在吳縣西北

戰國策越王以散卒三千擒夫差於干隧史記正義云在萬安山西南一壘干隧互見山

射瀆世傳秦始皇嘗射於此在楓橋北十里互見水

交讓瀆在子城北互見水

東城桂

唐白居易詩并序蘇之東城吳都城也今為樵牧之場有桂一株生乎城下惜其不得地賦三絕句以唁之

子墮本從天竺寺根盤今在闔閭城當時應逐南風落落向人間取次生

霜雪歷多雖不死荆榛長疾欲相埋長憂落在樵夫手賣作蘇州一束柴遙知天上桂花孤試問嫦娥更要無月宮幸有閒田地何不中央種兩株

虎邱寺古杉吳郡志在殿前相傳為晉王珉所植唐末猶在形狀甚怪不可圖畫

梁雙殿吳郡志在虎邱寺大殿前一小殿相對最為古蹟淳熙中有僧庸凡而好脩造始盡毀之好事者至今以為恨

虎邱寺玉蘭相傳宋南渡後自閩移植明天啟初為大風所摧今孫枝復高三尋矣

虎邱山門古柏共六株相傳明初開平王常遇春手植

本朝金義植常將軍古柏行昔傳嵩陽之古柏漢皇東狩封將軍二千年來三鼎峙誰其

植者空無聞物以人傳欽手澤虎邱今見前明蹟六株離立數畝蔭參差黛色將軍柏將軍神武不可當拔身泥滓從龍

翔功在明史佐命次諡曰忠武開平王塵埋折戟平江路荒林月黑啼孤兔當年手植紀戰勳滿目與亡泣老樹樹色沈

冥風雨多儼若劍槩聲相摩陣雲滅沒山鬼嘯荒燐隱見青銅柯我因訪古登層臺披襟彷彿英風來蚪枝佶屈倚霄漢

燕頷虎頭安在哉

半塘寺銀杏相傳晉道生所植半塘志本五大圍藤繞脩條鱗  
次鬣張宛如龍甲夏時穠蔭可庇十乘謂之龍樹明萬曆初  
太倉王伯詡置闌楯焉

崑山新陽二縣

婁城 在縣東秦置縣屬會稽郡漢因之孫權初封張昭於此尋  
又封陸遜為婁侯晉宋齊皆為婁縣後廢唐天寶十載始

自今松江府界移崑山縣治此吳郡志今崑山  
縣東北三里許有村落曰婁縣蓋古婁縣治所

東城 圖經云縣故有城在縣治東三百步吳郡志今猶謂之東  
城頭近歲耕者於東寺後多得古城磚及銅箭鏃方輿紀

要元和志謂婁城吳壽夢所築疑  
卽指此蓋闔閭所起以候越者

武城在縣西北漢書地理志婁縣有南武城闔閭所起以候越  
越絕書云婁北武城去縣三十里今為鄉

金城盧志在縣東基猶在世傳吳王所築猶有金城浦之稱

復城越絕書云婁門外馬亭溪上復城者故越王餘復君所治

去縣八十里

度城盧志在縣東南七十里相傳為黃巢築

西鹿城盧志卽今土山山下有卜將軍廟墓碑云葬母鹿城 詳見

冢墓

巴城在縣西北十八里其地有巴王墓 互見冢墓

雉城在縣西北

顏縣城 瓦浦城 盧志二城並古經所載

信義廢縣在縣西梁天監六年置屬信義郡隋廢吳郡志崑山

西二十里有邨曰信義土人或訛為鎮義

琴川志梁初分婁縣置信義郡大同

初復分信義置崑山縣隋初廢信義入常熟崑山亦廢故信義為常熟地至開皇十八年復置崑山縣信義當歸崑山非

常熟地矣

烏夜村晉穆帝后何淮女淮寓居縣南產后於此將產之夕有

羣烏夜驚於聚落爾後烏更鳴眾共異之及明大赦

乙未亭在信義鎮西界牌石左

至和二年主簿邱興權築至和塘與權自為記立石於乙未亭

記文詳水利

常熟昭文二縣

常熟故城在今縣北梁時所置舊唐書地理志崑山縣東一百

三十里有常熟故城盧鎮琴川志今縣北三十餘里有常熟

山本名銅官山唐天寶中改為常熟山蓋因縣為名耳

按今縣在

崑山西七十里舊縣當在崑山西北舊唐志作東恐誤又琴川志云前志及紹興題名記皆謂梁改南沙為常熟然吳地記載仲雍冢在吳郡常熟縣海虞山記乃齊永明間陸澄所作則在齊已有常熟之名曰梁改恐誤今按梁大同六年置常熟縣乃元和志之文自屬可據吳地記安知非後人所增入又梁時南沙常熟二縣並屬信義郡琴川志謂改南沙為常熟亦誤

南沙廢縣在縣西北宋書州郡志曰本吳縣司鹽都尉署吳時

名沙中吳平後立暨陽縣割屬之晉成帝咸康七年罷鹽署

立以為南沙縣屬晉陵郡宋齊因之梁置信義郡隋平陳郡

廢又廢南沙縣徙常熟縣治焉舊唐志云常熟縣隋舊治南

沙城武德七年移於今治是也琴川志今縣西北三十里有

南沙鄉

按今南沙鄉與江陰接壤故晉初割屬暨陽其分屬晉陵亦因相近也方輿紀要謂在縣東四十五里即

張士誠所築支塘城誤

海陽廢縣在縣北東晉初割海虞北境僑置東海郡領郟胸利

城三縣永和初郡縣並移出京口蕭齊於其地置海陽縣屬

晉陵郡梁改屬信義郡隋平陳廢郡以所領海陽前京信義

海虞興國南沙六縣俱并入常熟縣

按六縣中三縣皆在今縣界信義在崑山縣西

前京在華亭縣東南興國無攷

石城在縣北五里吳越春秋夫差興樂石城吳地志越獻西施

於吳王王擇虞山北麓以石甃城為游樂之所其地今有石

城里

扈城在縣北五里石城東世傳吳王游樂石城又建離宮扈蹕

故名今有扈城村

九里城在縣北九里世傳吳王牧馬於此俗呼攔馬城有洗馬

池今存

莫城有三一在縣南十二里俗傳是莫邪鑄劍之所亦謂之劍

城今有小廟云莫邪大王是也或謂之鑊鄒城有塘曰莫門

一在縣東四十里寰宇記云漢莫寵所築以捍海賊因名

朗城在縣東南又鵝城在縣東北十五里尚墅城在縣北十八

里金鳳城在縣西北四十里又有陶城閭城郭城並在縣境

姑蘇志

利城輿地志云晉元帝以海虞縣北境之土山立利城以處流民今江陰界有利城基疑是

支塘城在支塘鎮遺址約五里張士誠開白茆時所築明宏治中取其磚築太倉州城遂廢

歸氏堡在九澗鄉去鎮海門十五里明嘉靖三十四年邑民歸雷所築以防倭寇高如縣城東西有門南有水門陳迥為記今堡址猶存俗稱歸家城

石室在海隅山室凡十所相傳太公避紂居之圖經續記山有二洞穴穴側有

石壇周回六十丈山東二里有石室

梧桐園任昉述異記曰在吳郡夫差舊園也一名琴川樂府云梧宮秋吳王愁

鹿園在縣西北七十里世傳吳王豢鹿之所

言公井一名聖井在常熟縣治北一百九十步言公宅旁吳地記宅有井井邊有洗衣石周四尺輿地志蕭正德為郡太守將石去莫知所在盧志聖井在子游宅內其水若墨汁明孫七政睢陽泉記井湮於蔣柱史宅東廂下按蔣以化宅即吳訥所居也

雪井在虞山乾元宮宋申元道構庵以居山削無水一日大雪惟山坳不積浚之得美泉因名初元道未作庵時嘗受其師語云無雪則開後既悟而開井互見寺觀王志

七星檜在常熟致道觀梁天監中所植奇古特甚王志

梁昭明太子讀書臺在致道觀後

丹井在虞山南嶺下 王

宋濂銘  
海虞有虞山梁天監初漢天師十二代孫張道裕來隱其下  
建招真之沼鑿丹井焉宋淳熙中道士李正則浚井得藏丹  
石礧敗之化為雙鶴飛入尚湖至今湖中丹光煜煜然邇年  
井且廢莫知其所以周尊師元真窮日力尋獲之重加以甃構  
亭覆上時皇明洪武元年也仙家鍊丹必以井故名山多有  
之其在海虞者舊廢而新治豈元學復興之微歟銘曰太陰  
委精自天一融而為液養萬物神丹浴之赤如日有夫元巾  
發我室雙禽衝霞飛猱猱靈泉重  
噴甘逾蜜飲焉壽與天地畢

吳江震澤二縣

麋湖西城 越絕書巫門外麋湖西城越宋王城也時與搖城王  
葬武里南城午日死也御覽引吳越春秋平門外麋湖西城  
者麋王城也與越王搖戰越殺麋王麋王無頭騎馬還武里

乃死因留葬武里城中以午日死至今武里  
城中午日不舉火盧志今吳江有麋城王廟

前宮後宮西宮皆吳王夫差離宮也在沈張湖之西今以村名

松江亭在縣東江口自唐有之蓋即驛也宋天聖中知縣趙球

修築葉清臣作記改為如歸張先子野撤而新之 范志蔡襄  
君謨題壁

云蘇州吳江之瀕有亭曰如歸者隘壞不可  
居康定元年知縣事秘書丞張先始為大之  
盧志慶元六年吳衍創樓三間寶慶三年為風所仆今復存  
亭焉 按吳江舊為松江故昔賢題咏互稱考蘇子美詩可

証

蘇舜欽中秋夜吳江亭上對月懷前宰張子野及君謨蔡襄  
獨坐對月心悠悠故人不見使我愁古今其傳惜今夕況在

松江亭上頭可憐節物會人意十日陰雨此夜收不惟人間  
重此月天亦有意於中秋長空無霞露表裏拂拂漸寒光  
流江平萬頃正碧色上下清澈雙璧浮自是直欲見筋脉無  
所逃遁魚龍憂不疑身世在地上祇恐查去觸斗牛景清境  
勝反不足歎息此際無交游心魂冷烈曉不寢勉為筆此傳

中州

又題吳江亭

氣象清雄天與鄰世間不合有埃塵擬將累句酬佳景只恐江山解笑人

垂虹亭在長橋上

詳見橋

南臨具區北枕松江雲山烟樹風帆沙

鳥在指顧間吳下絕景也

鱸鄉亭在松江亭之東宋熙寧中屯田郎中林肇知縣事作亭

江上以陳文惠公堯佐留題松陵有秋風斜日鱸魚鄉之句

以鱸鄉名之始圖范少伯張季鷹陸魯望於此

互見祠

睡龍灣在吳江縣東南五十里黃家溪相傳宋高宗南渡時駐

蹕於此有泉湧出因名


王志

仙人洞在吳江東門僊里橋下深黑莫測俗傳此洞通太湖約

七十里可出林屋宋陳昉為仙從此去

王志

平望亭在吳江縣詳見平望驛



蘇州府志

卷三十一

蘇州府志卷三十一終

